



宗喀巴大師傳

至尊宗喀巴大師者，乃於無量劫前發菩提心修菩提行，資糧圓滿應正等覺，
惟為化度諸難調有情故，於邊地中現苾芻身，住持如來聖教饒益無邊有情。

南無本師釋迦牟尼佛



南無上師薈供資糧田



至尊宗喀巴師徒三尊



宗喀巴大師傳

至尊宗喀巴大師者，

乃於無量劫前發菩提心修菩提行，
資糧圓滿應正等覺，

惟為化度諸難調有情故，

於邊地中現苾芻身，

住持如來聖教饒益無邊有情。

宗喀巴大師傳 目錄

一、總明顯密諸經之記別……………一

二、別明現世事迹之記……………五

(1) 大師之誕生……………五

(2) 大師之出家……………一五

(3) 大師入衛藏學法……………二〇

(4) 授具足戒……………四三

(5) 遍學密法……………四五

(6) 講學宏法……………四九

(7) 獲得聖龍猛論師真實性……………五五

(8) 專修密法……………六五

(9) 專事修持	七〇
(10) 作諸佛事	七七
(11) 建立律儀	八八
(12) 壽難	九〇
(13) 初次得大弟子	九一
(14) 廣弘聖教	九三
(15) 再次得大弟子	一〇八
(16) 朝廷迎請	一一一
(17) 作大佛事	一一四
(18) 廣大供養	一一六
(19) 根本道場	一二二
(20) 消災延壽	一二七

(21) 再事宏修 一三二

三、化機圓滿示現涅槃之記 一三九

(1) 度最後有緣 一三九

(2) 示現寂滅 一四四

(3) 賈曹傑繼承法位 一四九

(4) 供養遺身 一五〇

(5) 再現化身 一五三

四、大師傳承弟子之記 一六三

(1) 名聞傳承弟子 一六三

(2) 正法傳承弟子 一七一

(3) 密法傳承弟子 一八五

一、總明顯密諸經之記荊

至尊宗喀巴大師者¹，乃於無量劫前發菩提心修菩提行，資糧圓滿應正等覺，惟為化度諸難調有情故，於邊地中現苾芻身，住持如來聖教饒益無邊有情。然諸劣根有情猶難信解，今以教理略明大師示現之事。

大師係文殊師利菩薩之化身，文殊師利菩薩早已斷盡二障圓發二智，為七佛之師，故大師亦早已成佛。

如文殊根本教王經中授記云：「世間我涅槃，地上成空虛，汝²現異生身，行諸佛所行，彼時雪山中，有極喜蘭

1 至尊宗喀巴大師者：為中興藏地佛教者（一三五七——一四一九）（歲次丁酉——己亥）。

2 汝：即文殊師利菩薩。

若。」此中記蒯文殊師利菩薩示現異生之相，受生於雪山中，寺名歡喜。今藏地中此寺建自大師，故大師為文殊師利菩薩之化現。

又空行秘密經云：「曼殊師利號善慧，增廣教法甚希有。」此中記蒯大師與文殊師利菩薩之德號同名。

又天竺月稱論師受予大正理杜鵑論師記云：「至尊宗喀巴大師者，係曼殊師利菩薩現苾芻身，為度邊地眾生故悲願隨意受生，汝亦當生彼，依彼教行宏廣教法。」云云。又聖提婆論師、佛護論師、靜天論師，皆現身於大正理杜鵑論師前授記云：「於邊地中，有至尊宗喀巴曼殊師利住持教法，汝亦是彼所化度者，應禮彼足，如教修行修諸心要。」云云。大正理杜鵑論師者，即至尊宗喀巴大師之弟子克主傑仁

波卿。此二中記荊於邊地現出家相之宗喀巴大師是文殊師利菩薩之化現。

又克主傑仁波卿前生在天竺受生，文殊師利菩薩現身告云：「邊地眾生最極愚蒙，不知取捨處實可悲愍。以無明故趣入邪道流轉生死，我為安立彼等於解脫道智及一切種智故，順其下劣意樂現苾芻身，汝亦是我所化機，故應往生彼邊地中。」云云。又於一時，慈尊彌勒菩薩現身教云：「文殊師利菩薩於此南瞻部洲，為欲光顯釋迦能仁教法猶如日輪，故化身為至尊宗喀巴大師，此與文殊師利菩薩親來無異，汝亦應往彼宏其教法。」此二中記荊大師與克主傑仁波卿為師徒之關係。

又曼殊師利菩薩為化度眾生故，現為諸佛長子身，究其

實體則早已成佛，於無量劫前平等世界中應正等覺，號曰龍種勝佛，此如健行三摩地經所說。於未來世當現正等覺，號曰普見如來，此如大寶積經所說。於現世北方過去四十二恆河沙數佛土，有世界名曰常極歡喜愛樂殊勝，有如來應正等覺，號曰勝解極歡喜藏摩尼寶積王現住世間，彼中無有聲聞獨覺，惟有一乘無餘乘名，亦無老病諸苦惱事，彼如來者即曼殊師利童子，此如指鬘經所說。此三中記薊文殊師利菩薩之化身宗喀巴大師早已成佛。

僅以如上所引經教，已足證明大師為文殊師利菩薩之化現無疑。

二、別明現世事迹之記

(1) 大師之誕生

大師降生之地曰宗喀，距西寧五十餘里。其父名達惹喀伽鑪崩格，勇識仁和心智明利，深心信敬師僧三寶，於諸貧乏慈悲惠濟，具足成就七功德財，日誦稱揚聖曼殊師利真實名經以為常課，見諸善法勇樂欲為。其母名馨薩³阿其，本性賢善無諂無嫉，見諸有情舒顏正語，增上衷愍無依怙者，或時禮敬或時繞佛，持六字明常無間懈，身語意業勤修善品，遠離一切女人過失。大師父母賢善如是，可謂具大善根

³ 薩：讀音為上聲。

者。

大師有兄弟六人，自居行四，親里眷屬時足千人。族中全信三寶，前後出家具沙門功德者時有其人。

丙申歲底⁴，大師之父於夢中⁵，見一大德，以諸花鬘莊嚴法衣，以忉利樹葉為裙，形如黃絹，負諸經卷，謂從中國五台山來向其借宿，說已大德即升樓上佛堂⁶。其父因平時誦聖曼殊師利真實名經，以為是曼殊師利菩薩示化，醒時

4 一三五六年；大師誕生前一年。

5 大師之父於夢中：即由此可知大師入住出胎為覺為迷，略緣夢相智者自知。

6 此夢相表大師之體性具足智性德（智部主）。中國五台山係無垢智主妙吉祥根本道場。

便念：「我當生子具大智慧！」另一時其父又於夢中，見一金杵光明晃耀入大師之母身中，此金杵謂是綠葉佛土金剛手菩薩所擲來⁷，其父醒時念：「我當生子具大勢力！」。

又其母夢中，見有平原諸花遍佈，有千女人敷坐其中，其母自亦處內。見自東方來一白色童子手執淨瓶，又見自西方來一紅色童女右手持孔雀羽翎左手執一大明鏡，其童子指諸女人，問童女云：「此可否？此可否？」其童女則於諸餘女人各說一種過失而答之。其後童子以指指大師之母，童子問云：「此可否？」童女歡顏答曰：「可。」時童子即告其母云：「若如是者，汝當沐浴。」即以瓶水注其母頂上，口

⁷ 此夢相表大師之體性具足力性德（力部主）。金杵係摧伏魔軍秘密主。

念浴佛偈頌而灌浴，其母自亦覺身離諸垢穢安樂非常⁸。醒已其身輕利其心快慰，念：「夢中所夢為何相？」。

又其父及鄰舍諸人皆於夢中，見諸僧眾從拉薩迎請釋迦世尊佛像⁹，置於其父舍¹⁰。又諸日中三光同現，或雨妙花、或焚妙香、或聞空中奏諸音樂、或地震動，如是種種希有瑞相，是諸人所共知者¹¹。

8 此夢相表大師之體性遠離庸常之父精母血胎。

9 見諸僧眾從拉薩迎請釋迦世尊佛像：傳即文成公主由唐請來之釋迦世尊佛像。

10 此夢相表大師之體性與世尊體性無二。

11 此瑞相表大師之體性遠離庸常之胎處。

丁酉正月初十夜¹²，其母於夢中，見有無量不可思議僧俗男女，擎持種種幢幡樂具，僧俗男女咸云：「迎接觀世音菩薩！」其母遍觀四方皆無所見，次仰視空中見雲間有一金身¹³，高碩如山光明如日，照一切處宣諸法音¹⁴。復有眾多天子天女莊飾圓滿前後圍繞，漸次下降身亦漸收，及至頂時量僅揲手，形極端嚴入己身中。次諸圍繞及諸迎者亦入其母

12 一三五七年。

13 次仰視空中見雲間有一金身：此金身表大師之體性遠離庸常之業力所感身。

14 此夢相表大師之體性具足悲性德（悲部主）。觀世音菩薩係十方諸佛之悲性。

身，更有諸餘有情禮拜旋繞供養稱揚。 15

從次日（十一日）後，其母智識明利快愈常時，一切時中

15 如是夢相表大師之體性具足悲性、智性、力性（悲性德、智性德、力性德）（悲部主、智部主、力部主）功德。

三部主：無緣大悲觀世音（悲部主）、無垢智主妙吉祥（智部主）、摧伏魔軍秘密主（力部主）。

三部主又有三種成就三部主：外在成就三部主、內在成就三部主、秘密成就三部主。

外在成就三部主
悲部主：無緣大悲觀世音是十方佛弟子之悲性。
智部主：無垢智主妙吉祥是十方佛弟子之智性。

力部主：摧伏魔軍秘密主是十方佛弟子之力性。

悲部主：無緣大悲觀世音是十方諸佛之悲性。

智部主：無垢智主妙吉祥是十方諸佛之智性。

力部主：摧伏魔軍秘密主是十方諸佛之力性。

悲部主：無緣大悲觀世音是十方諸佛悲性化現之色相。

智部主：無垢智主妙吉祥是十方諸佛智性化現之色相。

力部主：摧伏魔軍秘密主是十方諸佛力性化現之色相。

秘密成就三部主

任運於身，珍重愛護清淨梵潔，此即大師入胎之晨¹⁶。其夢相中執瓶童子及持鏡童女，後謂是觀世音菩薩及度母菩薩。

大師入胎滿足九月又十日之後，臨降誕時，其母夢中，見多僧眾持諸供具往供養佛堂，僧眾問云：「佛堂何在？」語未已，昔所見之白色童子已來，手執一水晶鑰匙，白色童子答曰：「佛堂在此。」即於其母胸中啟一黃色小戶，自內取出前次入內之金身，其身稍粘垢染。前見之紅色童女亦至，洗以瓶水拭以雀羽，復以梵語種種讚詠，諸供養者供養

16 此即大師入胎之晨：即釋迦世尊於室羅筏城現大神通、降伏六種外道、受四天王供；亦即釋迦世尊現身遍四王天乃至有頂，令見聞者皆發無上阿耨多羅三藐三菩提心之紀念日。

此瑞相表大師之體性遠離庸常之入胎；亦表大師之體性遠離庸常之住胎。

彼金身¹⁷。大師之母從夢覺已，為明相初出明星¹⁸現時，大師安然降誕¹⁹。²⁰

大師圓寂係十月二十五日，降誕亦有謂在十月二十五日²¹。

大師誕生次日，於宗喀境中有一修怖畏金剛²²得成就之

17 此夢相表大師之體性遠離庸常之出胎。

18 明星：此明星指七曜中之金星，此星於諸餘星中最光明故。

19 大師安然降誕：此降誕晨諸傳中多未明記，依入胎日算當在十月二十日以後。

20 歲次丁酉，一三五七年。

21 降誕亦有謂在十月二十五日：今此書所傳當在元順帝二十五年歲次丁酉。

22 怖畏金剛：即牛頭明王金剛。

上師號曰義成寶仁波卿²³，彼以通力了知，即以甘露丸藥和諸食物為丸，及一有加持怖畏金剛聖像，使一具戒清淨近住弟子送來慶賀。後時其父見義成寶上師問其所以，義成寶上師告云：「我前²⁴於夢中見本尊怖畏金剛現身祈其加持，並請數數現身，本尊怖畏金剛即面向宗喀告云：『明年此時我來此處，於此中間汝當安樂而住。』說已即去。醒覺後未解本尊所說，遂入真實性慧觀之，當時現身者為汝之此

²³ 義成寶仁波卿：謂義成寶上師赴藏地兩次，顯密教理通達無遺，特修閻曼德迦金剛教授獲得成就，建兩伽藍教導末學，在世時屢現神通記薊一切，臨終時天樂天花無量供養世共見聞，於虛空中發音聲云：「從此去已，當往北方鼓聲佛土行菩薩道。」云云。

²⁴ 我前：即丙申歲末時；亦即一三五六年末時。

子²⁵。」。

大師生已截臍帶時滴血於地，而後自然生一株白旃檀樹，其樹葉上有獅子吼佛形像或曼殊五字咒文週遍充滿，遂名其樹曰琬崩旃檀。後於彼建寺²⁶亦號琬崩²⁷，此種祥瑞應化事迹，現猶可朝觀勿容疑。

大師頂圓如蓋、額形寬廣、眉目秀麗、玄丹豐裕、耳肉長垂、肢節充整、諸根明利、肌膚潔白，世人見者無不稱

25 當時現身者為汝之此子：此亦足證大師之體性即文殊師利菩薩化身而無疑。

26 後於彼建寺：此寺名為塔爾寺，住持上師為大師父親轉生，即現住北平雍和宮阿迦胡都克圖仁波卿。

27 琬崩：二字分讀，前字音姑，譯曰身；後字音崩，譯曰憶。二字合時，即變音為琬崩，譯曰十萬身像。諸不善藏文發音者，或曰古母巴，誤也。

悅。大師雖在童年，遠離愚童惡風，厭離放逸俗習，於諸惡行本性嚴慎，見諸有情愛語慶問，舒手將護施諸貧匱，悲愍實語安慰無依，智慧淵深惟法是求。如是種種諸菩薩行任運而行，猶如兒童吸飲母乳無待師教。

總之，大師身語意行惟妙離惡，地上大士欲隱反顯，故當時世人皆共唱言：「此若非佛則定是大地菩薩，為住持聖教饒益有情而來應化者。」。

(2) 大師之出家

大師年幼時，即能觀家庭猶如牢獄火坑蛇窟，常欲出離，只因年幼未能如意。如本生論云：「居家如牢獄，永莫思安隱，居家如大病，貧窮或富貴。」又云：「若行正法失

家業，若住俗舍豈成法；正法事業極寂靜，家業喧雜豈得成；既與正法相乖違，欲利益者誰貪著。」。

己亥年大師三歲時²⁸，有迦瑪巴遊戲金剛上師應元順帝之請自藏地來內地，行經大師處為大師授居士五戒²⁹，賜號慶喜藏，更授記云：「此童子後往藏地住持聖教饒益有情，猶如第二能仁。」。

庚子年大師四歲時³⁰，其父恭請義成寶上師來家，義成寶上師多賜資財，告其父云：「願汝將兒惠我。」其父如師

28 一三五九年。

29 行經大師處為大師授居士五戒：謂三歲本非授居士戒年，蓋知器宇非凡故特授。

30 一三六〇年。

教將兒奉施。此後乃至未入衛藏前，大師皆在義成寶上師處依止而住。大師初至彼處於應誦習經論，未待師授僅以智力思察，就能誦讀如流全無礙滯。當大師未出家前，義成寶上師即令大師入桑都金剛、閻曼德迦金剛、勝樂金剛、歡喜金剛、時輪金剛、大輪金剛、怖畏金剛、金剛手金剛大曼陀羅壇場，傳授灌頂，密號曰不空金剛。

是時大師即能授持一切密乘律儀諸三昧耶，猶如目珠防護無犯。得灌頂後未出家前，遂將桑都金剛、閻曼德迦金剛、勝樂金剛、歡喜金剛、時輪金剛、大輪金剛、怖畏金剛、金剛手金剛法授持於心。數修勝樂金剛教授毫無懈怠，其餘之本尊瑜伽念誦次第同時俱修。又如大師修曼殊心咒五字明時，其所居室石壁上多現五字明字迹，宛如寫成。

癸卯年大師七歲時³¹，金剛薩埵即常於夢中示現，阿底峽尊者³²亦於夢中常至。後大師至藏地時謁阿底峽尊者像與夢中所見無有別異³³，此即顯示大師授持阿底峽尊者遺教令不隱沒之前相。

大師觀三有猶如電閃，剎那壞滅無可久恃，三苦暗夜除遣極難，覆蔽一切殊勝功德，六道有情常迷此苦。更見出家修淨梵行乃釋迦師子無上勝軌，三世諸佛亦皆依出家修淨梵

31 一三六三年。

32 阿底峽尊者：謂尊者誕生於宋太宗七年歲次壬午。宋仁宗二十年，尊者入藏地壽已六十有一；宋仁宗三十二年歲次甲午九月十八日，尊者圓寂於藏地聶塘時壽七十有三。尊者圓寂後三百零二年，至尊宗喀巴大師始生。

33 與夢中所見無有別異：謂此中僅述夢中所見，其實日中亦常見，如至尊宗喀巴大師秘密傳中說。

行而成正覺，稱揚出離呵責居家，然我何日乃得出家修淨梵行？如是希願常無間斷，猶如天眾趣歡喜園。

是年³⁴大師乃依具足教證功德海無上無比義成寶上師為親教師，依顯密德藏大善知識菩提童子為阿闍黎，授沙彌十戒，法號「善慧·名稱吉祥」。大師授沙彌戒後於一切輕重學處殷勤防護，離諸垢染成妙梵行，莊嚴沙門為出家宏範。

蓋義成寶上師早知大師當為法王，故自大師幼年殷勤將育，猶如培植藥樹嫩芽，亦如輪王愛顧長子。為令大師開發智慧，傳授曼殊師利及妙音天女儀軌修法，若顯若密一無所吝悉皆授予，故大師後入衛藏時顯密資糧早已廣備。

34 一三六三年；大師七歲。

故大師常云：「義成寶上師恩德最深，雖父母慈愛亦不過如是。」。

(3) 大師入衛藏學法

大師復作是念：「我今於佛善說法律中而出家已，如來所教惟有二事，謂讀誦聞思及修慧斷惑，於二事中讀誦聞思尤先，故應先依諸善知識聽聞思惟斷除疑惑，後於法義極善了知取捨修習漸次而行，以免謬誤。若不爾者，自無知解造次而行，猶如生盲往未經之歧路，不僅不能至所欲處且易墮入險惡之處，故須先於顯密教理學習通達，方可修習一切智慧。」。

大師又作是念：「學習之處以雪山迴環、四時調暢、

夏無極暑、冬無嚴寒之衛藏為宜。此地初由諸大菩薩興建正法，次有諸善知識住持增廣，乃至現今教證法流尚有其傳承，故往衛藏勝地極利修學。」雖宗喀到衛藏長途艱辛，大師修學佛法的道心也絕不怯弱，猶如薩陀波侖參訪法上菩薩，罔顧一切而往依止；亦如善財童子趣向南國參訪諸善知識，不辭辛勞。

歲次壬子大師年十六³⁵，大師決定進衛藏之志，具足無量踴躍發大歡喜，如諸鵝王往游蓮池，時義成寶上師亦加勉勵。將啟行時義成寶上師告云：「我今想為汝說一種法，汝何所欲？」大師白曰：「請賜於心最有益之教誨。」義成

35 一三七二年；亦即明太祖洪武五年。

寶上師具足神通力故，以未來記薊而作教誨，告云：「初依教廣求聞思，次如理取捨修學，再以所修住持聖教饒益有情。」皆以偈言而誨，大師不僅記其義且書其文句。

義成寶上師對大師總其教誨應學之次第：「初學聖無著論師五部論，次學法稱論師七部因明論，進學聖龍猛論師破離邊執中觀六部論，後遍學一切顯經密續。」令大師入衛藏依此次第漸次修學。

大師從義成寶上師所授顯密諸法，除前略述者外，尚有以下三部³⁶金剛界頂、法界語自在、不動、大隨求之梵譯經論建壇儀軌；及無上部三種閻曼德迦、三派傳來之勝樂輪金剛

³⁶ 藏傳密續有四續部：一、事續部，二、行續部，三、瑜伽續部，四、無上瑜伽續部。

手。義成寶上師更誨云：「防護災難者，為金剛手如來；增長智慧者，為曼殊五字明；增益福壽者，為無量壽如來；成就順緣者，為多聞天王；防護一切人非人損惱及授予一切成就者，為六臂瑪哈嘎啦。此皆為我之本尊，今授予汝諸本尊行法及供養，汝當依教修持切莫間缺。」云云。

大師授教後初能依教奉行，次赴衛藏途中及入衛藏後住極樂寺學經時，因諸不便熏修多聞天王、六臂依怙秘密主教授而時有間缺，由此故初學經時順緣稍乏，並常為諸病所惱。大師云：「此皆未能全依師命而致³⁷。」。

又於爾時，義成寶上師為歡送大師故，陳設壇場祈白一

37 此皆未能全依師命而致：故後時大師於金剛手如來教授修持未敢間缺。大師豈容有違師教之過尤，但為警策後學故示現。

切護法聖眾，以一握青稞供獻壇上，諸青稞皆光明晃耀形如珍珠。義成寶上師喜云：「汝當成佛法教主之瑞兆。」。

是時師徒雖互以恩惠甚深不忍別離，然以入衛藏事重不宜強留，惟有至誠發願而已。大師於出發前禮辭義成寶上師，留戀座前依依不捨之情，義成寶上師勸慰後，方互道珍重而別。

大師於長途跋涉中，因平時誦習力故任運持誦聖曼殊師利真實名經而行，時或憶起義成寶上師恩德則淚垂如雨，回顧上師方所，每欲思迴返時，誦至「不退不迴還」之經句輒止，此亦顯大師後時不歸鄉井之前兆。時同行衛藏的助伴有前藏止公寺中之化緣上師名寶吉祥，另有舅父二人及餘赴衛藏行人為伴。

進衛藏之路係繞南路而行，當大師道經昌都（地名）住宿一夜時，十六尊者及瑪哈嘎啦現身。此後有下慧賢阿闍黎者於大師宿處建寺³⁸，故大師教法亦傳遍於西康。

歲次癸丑大師年十七³⁹，如是漸次進行至秋季達止公（地名及寺名）山林朝禮止公仁波卿，即於座前修學大乘發心儀軌、大印五法、止公仁波卿著述，並習拏熱六法廣深教法。

次大師之本意欲先往極樂寺學諸廣大經論，因伴友勸請同往公塘（地名）。該地有一善巧醫生號寶依處，大師從彼授學八支醫書⁴⁰及梵藏一切善巧者註釋，並實習一切手術，未

38 於大師宿處建寺：即慈氏洲。

39 一三七三年。

40 八支醫書：即馬鳴論師所造。

經久時皆得善巧。後大師偶有失調之時，雖有十數名醫為大師延醫，然當用何藥如何配製調均寒熱，仍須請問大師。時諸醫師皆云：「現下藏地中善巧醫術者，無能過於法王仁波卿者⁴¹，我等因略趣法王足前聽授諸藥性差別，亦較昔年所學進步多。」。

歲次甲寅大師年十八⁴²，因急欲廣學慈尊彌勒菩薩、聖無著論師、聖龍猛論師、聖提婆論師諸大聖教，故遂往極樂寺⁴³，從極樂寺住持善滿仁波卿及上座吉祥獅子仁波卿座

41 法王仁波卿者：即大師尊稱。

42 一三七四年。

43 極樂寺：即在拉薩之西，止公（地名及寺名）及公塘（地名）皆居拉薩之東。

前聽聞經論。其讀誦阿闍黎⁴⁴則依大善知識德海論師為正，大阿闍黎鄔錦巴論師為副。並善巧習學現觀莊嚴論之本頌⁴⁵及明義釋⁴⁶，僅十八日大師所學現觀莊嚴論之本頌及明義釋俱熟。次更聽授絳嘉之釋⁴⁷，未經久時大師義理皆能盡善通達。時諸教師及同學莫不讚歎大師慧力廣深希有。

大師在故鄉時雖曾學習大乘莊嚴經論並為他人解說，近極樂寺有號曼殊寶大善知識極善慈尊彌勒菩薩諸論，故又依

44 讀誦阿闍黎：即每日讀若干皆須於阿闍黎前背誦，故此種規範師卻類律內教讀阿闍黎。

45 本頌：即現觀莊嚴論原頌文。

46 明義釋：即現觀莊嚴論明義釋，天竺獅子賢論師造。

47 絳嘉之釋：此書重釋獅子賢論師之現觀莊嚴論明義釋。

曼殊寶大善知識聽授大乘莊嚴經論。

大師住極樂寺時，有薩迦教主福幢法王赴法城寺，大師往禮之，從彼法王授曼殊五字明及古琿⁴⁸結緣灌頂。

大師如是住極樂寺兩年學習帕勤⁴⁹最極善巧。

歲次乙卯大師年十九⁵⁰，往桑樸寺遊諸辯場⁵¹，立現觀莊嚴論宗，大師智慧圓明美稱由是遍揚。

次大師往後藏，本欲直赴薩迦寺，因同伴關係暫繞路經

48 古琿：即摩訶哥囉之一種，亦稱瑪哈嘎啦。

49 帕勤：即現觀莊嚴論略稱。

50 一三七五年。

51 遊諸辯場：即藏地中學經得善巧已，往餘寺中立宗，寺中諸師設難辯論。現今藏地中三大寺皆行此法。

仰塚（地名）而往雅爐（地名），從雅爐住持寶勝善知識前授勝樂十三尊及閻曼德迦五尊之灌頂。次大師在薩迦寺，薩迦法王未講經時，大師遂往薩讓依慧幢論師前聽授經論，至薩迦法王講經時，往彼依帕勤立宗。次大師往拉垛絳（地名）⁵²，於諸寺立宗。次大師至覺摩囊（寺名），於尊勝上師前授六支加行、時輪金剛。次大師趣薄棟（地名），回路經吉蛾雷（寺名）於彼寺住持前授噶當朗忍之傳承。次大師遊藹寺辯場立宗已，回那塘（地名及寺名）。

大師前學絳嘉帕勤釋時，其中多引俱舍文稍難解了，以此為緣欲學俱舍，故於那塘寺義賢論師前聽俱舍釋一遍。

⁵² 拉垛絳：薩迦寺在後藏之西，此地又在薩迦寺之西北。

大師智慧廣深非少分義而能滿足，時見彼寺一格西處有慶喜吉祥仁波卿之帕勤釋，較前所學之絳嘉釋顯了易解生歡喜心，遂欲往慶喜吉祥仁波卿處重聞帕勤。更見彼帕勤釋中亦引有俱舍文詮釋甚顯，大師念：「此慶喜吉祥師亦定善巧俱舍。」隨回仰垛少住，後往內寧寺立帕勤宗。

歲次丙辰夏大師年二十⁵³，住賊勤（寺名）依大善知識慶喜吉祥仁波卿前聽聞帕勤教授一遍。時慶喜吉祥仁波卿慧辯明利，應釋盡釋善知機宜，具足無量善巧者相，大師對慶喜吉祥仁波卿生大歡喜敬重之心，爾時更請講俱舍教授。慶喜吉祥仁波卿云：「我於俱舍原亦善達，近來無諸學人聽講故

亦稍疏，若要重新開講則須參閱各家著述，近來身體失調且正講授帕勤、因明，恐不能速辦。我有弟子名『仁達⁵⁴瓦』又名『童子慧』者，人皆敬重，智慧明利善巧俱舍，汝可往彼處聽聞。若不廣釋可請依文指授，如是數數勤勉必獲利益。』。

大師與極尊⁵⁵仁達瓦仁波卿前已相識，彼適於夏由薩迦寺來賊勤，大師因此得依止極尊仁達瓦仁波卿，聽彼教授世親論師之俱舍自釋⁵⁶一次。極尊仁達瓦仁波卿講法，非僅依文釋義，實將全論要義前後配合，將一切關要直授於學人心

54 仁達：地名。

55 極尊：即尊敬辭。

56 俱舍自釋：即漢譯俱舍論。

中。大師於極尊仁達瓦仁波卿起最大清淨信心，於其所講一切雖僅一次文義皆瞭，並將論中最難處請問決擇，映奪師意起大歡喜。極尊仁達瓦仁波卿對大師云：「為汝講授，實須慎也。」大師如是從極尊仁達瓦仁波卿⁵⁷聽俱舍已，雖更無餘義可明，但為順極尊仁達瓦仁波卿講辯之軌又重聞俱舍

⁵⁷極尊仁達瓦仁波卿者，童幼之年智力成熟，厭患世法消除貪瞋。觀三有如蜃樓，遊勝行（菩薩行）若幻網，童真出家善習聖教。其經論之傳承必依師，一切顯密經論之深義，雖僅參閱數次便能善配置本釋正解悉無紊亂，並以正理引申教誨後學。中觀、因明時多隱沒，自以慧力開闡正軌，雪山中智識無與儔者。

極尊仁達瓦仁波卿行證，於增上戒學離諸誤犯，真菩提心無間現行，觀諸有情猶如赤子，但顧利他罔顧自利，於密乘無上瑜伽生滿二種次第獲得堅固三摩地，共不共德無與能比。以是力故愛樂善品天神現前承事讚言善哉，曾有一時發願講釋教導後學，於其夜分見虛空中聖無著龍猛諸大論師現身，擊四大法鼓聲滿世間。如是殊勝功德說之難盡。

至尊宗喀巴大師之辨了不了義善說藏論及性相理門論，其思想皆依此師為基礎。故至尊宗喀巴大師生平敬重此師，為諸師長中最上者。

一遍。至賊勤夏季法會解已，秋季師徒共赴拉垛（地名）桑靈寺，聽極尊仁達瓦仁波卿講入中論一遍。

時大師聞有已得成就瑜伽自在善達五明譯師號菩提頂者，冬季法會將在前藏布達拉⁵⁸講集論。大師知彼為藏地中集論一代之主，故決定赴前藏布達拉聽菩提頂譯師講集論。至秋末自拉垛赴前藏至布達拉請菩提頂譯師講授集論，雖已蒙慈允，然因菩提頂譯師壽臘高邁，法眷又勸請速歸，彼遂赴藏路經法城阿蘭若，大師亦隨之。雖未能如願聽授集論然亦略授餘法。

是年冬⁵⁹大師住極樂寺，次往覺摩壟（地名）依善巧四部

58 布達拉：即現今達賴喇嘛住處。

59 一三七六年；大師年二十。

難論慧明大律師前，聽聞毘奈耶根本經⁶⁰及其釋論並一切支分，隨其所授大師皆了解無餘。每日聽聞之餘，授持根本經廣釋十七大頁⁶¹悉無間缺亦無忘失⁶²。

在覺摩壟時大師隨眾上殿修持，眾誦般若行法時，大師以般若為課誦心住於諸法幻現無實義，至眾高聲誦餘法時，大師亦無少塵許增益損減惟於無二性離諸功用，至課畢無二性亦任運。時眾於大師皆生希有心，大眾念云：「我等末法

60 毘奈耶根本經：即德光論師造。

61 十七大頁：每頁二十行，共譯漢文可成兩卷，大師念力可見一斑。

62 大師自此以後任學何經，每日讀十七頁以為常課。

有情，雖閉戶專修動經多載，亦難使一念安住，況緣無二性。」大師聞思修三融入於一相續併修持，實屬希有。

時大師在授持毘奈耶廣釋四十餘卷間，忽覺背上半身粗猛疼痛⁶³，遂往垛壟樸（地名），有一善巧鄔僅寧主⁶⁴者前授卻病教授法，修之不效。隨回極樂寺設法診治悉不見效，遂與數人同赴後藏。

大師本意直往薩迦寺，只因途中嚴寒道復遙遠，故暫住內寧寺過冬，時寺中學人及隨大師行者，力請大師講授集論，大師初於集論未專研究，今略參閱義皆通達，遂講授一

63 忽覺背上半身粗猛疼痛：此為留難之相。

64 鄔僅寧主：一種密法名。

次。

歲次戊午春大師年二十有二⁶⁵，繞那塘（地名及寺名）赴薩迦寺，時極尊仁達瓦仁波卿亦在薩迦寺聽道果。此後經十一月之久，大師在薩迦寺依極尊仁達瓦仁波卿共住，極尊仁達瓦仁波卿於聽道果期中更為大師評講集論一遍，復於彼時以釋量論⁶⁶為主兼講入中論⁶⁷，又誦授律藏經論傳承。

是時大師依金剛寶大德前，聽聞歡喜金剛第二品薩迦派之註釋。時彼處有一善巧訶字法之老格西，極尊仁達瓦仁波

65 一三七八年；時洪武十一年。

66 釋量論：法稱論師造。

67 入中論：月稱論師造。

卿勸請大師從彼前請求教授，住靜處修之，自此以後大師所
有病患痊癒無餘。

復次師徒同往拉垛絳（地名）囊仁寺度春夏，極尊仁達瓦
仁波卿著集論之廣釋曰善說海授予大師，大師又請彼詳講釋
量論一次，復授桑都根本續及桑都五種次第⁶⁸。

秋間家鄉寄順緣至藏，大師為領取故自囊仁經薩迦而
回前藏。收取之後，因友伴勸請及慈母書信懸念言，意欲
返鄉省視親屬故而略學教授，時忽念：「利少過多，以此何
為。」大師遂立志決不回西寧，世間愛顧深心厭離。

68 桑都根本續及桑都五種次第：此皆密咒乘無上瑜伽。

此後慈母數數致函請歸，並帶白髮少許色如螺貝，慈母告云：「念我年已至此，念汝心切歸來一聚，是盼。」云云。大師念回家實無大益，故繪自像一張寄歸，慈母展而觀之，其像呼曰：「阿媽。」慈母觀此希有境象生起無量信敬歡喜，覺與親見大師無異，懸念之心遂息。大師於一切世間貪愛皆視同幻化影像、虛偽欺誑、無常變壞、不可保信，不加功用厭患心任運現行。

是年秋⁶⁹大師往梅卓拉壟上師福稱仁波卿前聽授多種經論。

69 一三七八年；大師年二十有二。

次大師決意閉關靜修詳閱釋量論之廣釋⁷⁰，見釋量論之廣釋第二品道建立為緣時，於法稱論師之著述理路引起無量不可思議猛利信心，髮毛戰豎雨淚驚垂，大師後凡閱釋量論時無不爾。瑜伽師地論云：「有大乘種性者聞空性時，悲喜交加不覺淚流自恨其晚。」入中論亦作是說。大師之信敬亦可見。

昔藏地講授陳那論師集量論及法稱論師七部量論者，僅知為辯論模式⁷¹，殊不知其現證成佛及解脫之道乃此中所。惟有大師以離垢智力總觀一切因明諸論，特見陳那論師

70 廣釋：書名為正理藏論。

71 僅知為辯論模式：漢地想亦多同此見。

集量論及法稱論師釋量論是攝盡大小乘一切修行次第悉無錯謬。道錯固無果缺亦然之，且如種穀雖必須其種，然水等有失實亦必無獲，任求何果悉不能次第錯謬，故大師於陳那法稱諸大論師發起不共信心，實非他人之所能及。

是年冬季⁷²法會大師住極樂寺，元帝太子帖木兒致書並供物於座前，大師酬書謝之，此為大師與王家通訊之始。

次大師意於明春法會時遊諸辯場，故於此間閱習舊課。
歲次庚申大師年二十有四⁷³，赴後藏過那塘（地名及寺名）時義賢上師適著釋量論釋令大師住聽，大師如命聽授一遍。

⁷² 一三七八年；大師年二十有二。

⁷³ 一三八〇年。

夏季大師於那塘寺立釋量論、集論、俱舍論、戒律四部之宗。復於彼時依極尊仁達瓦仁波卿之上師號慶喜吉祥仁波卿者⁷⁴，聽授薩迦軌之上師囊決及彼松索摩。又從虛空瑜伽者授蘇迦悉地。

秋間大師聞極尊仁達瓦仁波卿赴薄棟（地名），大師亦往藹寺從空賢譯師學習寧哦梅隆⁷⁵。大師主要目的，則為依止極尊仁達瓦仁波卿溫習入中論、釋量論、集論、俱舍論。對於帕勤及戒律，又請極尊仁達瓦仁波卿重講一遍⁷⁶。

74 慶喜吉祥仁波卿者：此人非前聽授帕勤之大善知識慶喜吉祥仁波卿。

75 寧哦梅隆：即詩詞。

76 極尊仁達瓦仁波卿當時亦住藹寺。

又除入中論講釋外，其餘中論、寶鬘論等重要之論未得傳承及講授者，大師從那塘住持慶喜幢仁波卿前授性宗一切重要經論之傳承。復從極樂寺妙寶論師處聽授一次。總而言之，當時藏地有性宗諸論傳承者亦如晨星冷落，況求能解釋講授者。現今藏地講習性宗諸論者無處無之，斯皆由大師得傳承後授持宏演之恩賜。

次師徒同赴薩迦，大師依前所述四部難論立宗⁷⁷。

對於大師慧辯鋒芒理教淵深，釋難則勢如破竹，酬問則語同扣應，前後藏境諸大梵林，或通解三藏之高德，或專持難論之善士，莫不領教心歡答然悚然。大師則智深而慢浪自

77 大師依前所述四部難論立宗：即大師於此時可立十餘部難論之宗，只因諸辯場中未興餘論，故未立餘宗。

息，悲重而浮執盡殄。 78

(4) 授具足戒

是年⁷⁹大師遊諸道場辯論正法，當爾之時便能以善巧學問清淨戒行功德，引生學人信仰而追隨大師聽授法要。大師

78 以上是大師學習顯教教授略錄少分；亦即大師於年二十有四前通達顯教一切教授。

大師所學經論，實非限於此少文中。且如學現觀莊嚴論時，同時即兼學慈尊彌勒菩薩其餘四論、十萬頌、帕勤合釋、八千頌攝義、無著世親二解脫軍（師徒二人）論師所造之二萬頌與帕勤合釋、獅子賢論師所造之帕勤釋、八千頌廣釋、八品攝義二十餘種梵譯釋論，學釋量論、入中論、俱舍論、集論、戒律時，亦莫不兼及其他。總之凡藏地所有者或兼聽聞講授或僅授其傳承，皆深入大師智爐圓融無礙。

79 一三八〇年；大師年二十有四。

嘗云：「佛法藏內七眾戒中，最為無上者厥為苾芻律儀。」此苾芻律儀便是顯密二種大乘律儀基礎，正法是否住世亦惟視其能否依此苾芻律儀建立而定。故大師於雅墩（地名）恭請錯勤波（寺名）住持戒寶律師為親教師，錯巴吉津（寺名）住持慧依律師為羯磨阿闍黎，吉津寺維那金剛福律師為教授阿闍黎，並請二寺中持律苾芻為證戒僧眾，由是正授苾芻戒律，清淨尸羅充滿身心一切人天咸共稱慶。⁸⁰

⁸⁰ 藏地佛法中興時諸宏揚戒律者曾提倡戴黃帽，及授本尊文殊師利菩薩記莚，大師隨於顯教教授習學圓滿時及授具足戒後亦改戴黃帽，表揚以宏持戒律為宗旨，對治不守戒律慢持密法之弊，開啟藏傳佛教之戒律復興。

黃帽是昔持律者所戴，大師想振興衰頹的戒律，故主張帽子顏色與昔持律者一致，主要是復興戒律，非是改革宗教。

(5) 遍學密法⁸¹

歲次辛酉大師年二十有五⁸²，回前藏春季自公塘（地名）漸遊桑樸（地名及寺名）諸大辯場依四部立宗⁸³。

大師於授苾芻戒後，往特（寺名）拜見名稱菩提仁波卿，請問法義並祈印證所學。大師學識深邃，致令名稱菩提仁波卿深發信敬，相談之頃不覺涕淚，後嘗對眾人前讚大師云：「如斯英才，方能成就如是大功德藏，誠為佛法前途之救星。」云云。大師於名稱菩提仁波卿前聽授道果傳授、拏熱六法及帕摩主巴著述。

81 遍學密法：此是大師遍學密法之始。

82 一三八一年。

83 帕勤已立畢。

時有號虛空賢譯師者，由名稱菩提仁波卿迎請來寺，大師依虛空賢譯師學梵文聲明。次歲⁸⁴名稱菩提仁波卿圓寂，大師受僧俗諸人之請，為名稱菩提仁波卿作傳，其文辭藻咸稱絕妙。

大師於此中⁸⁵曾於桑樸修妙音天女，感妙音天女菩薩現身說法講授一切儀軌，故大師所造之瑜伽續部及無上瑜伽續部諸聖讚文，和雅懇切最為殊勝。大師於聲明已得善巧，閱大師著述中讚詠類即可知。

⁸⁴ 一三八二年；大師年二十有六。

⁸⁵ 大師於此中：謂有云一年，有云二年。

次大師往聞（地名）道場為弟子語自在稱論師及諸住持正法者，講演帕勤、因明、中觀諸論。次往前藏住於剎寺閱經論兩藏，引生無量觀察妙慧。

歲次戊辰大師年三十有二⁸⁶，首造現觀莊嚴論師子賢釋廣疏曰善說金鬘論⁸⁷。

次大師住剎寺時，偕弟子語自在稱論師往拉薩大昭寺大悲聖像前授大悲齋戒多日，時有一夜殷重祈禱求示夢相。語自在稱論師於夢中，見有兩大海螺從空而降墜於衣中，落

86 一三八八年。

87 首造現觀莊嚴論師子賢釋廣疏曰善說金鬘論：即大師開始造此論。善說金鬘論：譯漢文約五十六卷。

已無間合而為一，取吹之能發無量廣大音聲⁸⁸。大師則於夢中，見上升那塘（地名及寺名）牙常牙拉（山名）之陟岩，又見一平潔白石板，上有一枝青蓮花，其花盛開顏色鮮美，瓣無衰萎之相，莖幹俱全，以手取之。大師念：「此乃度母菩薩之三昧耶形，何以在此？抑是菩薩攝授相？」忽聞有聲云：「非也，是壽相。」大師自未詳說但細思惟，上升陟岩者，實表大師超出生死之陟岩高升解脫聖道；潔白石板者，表大師意樂離自利垢染及煩惱粗澀；青蓮盛開者，表大師智慧增廣；顏色鮮美者，表大師光顯聖教；花有柄者，表正法久住；大師以手取持者，顯廣佛聖教事業皆由大師親自住持成

88 取吹之能發無量廣大音聲：此夢相預兆彼未來在西康賈絨宏揚正法作廣大事業。

辦。

次大師返剎寺，至冬季法會時往極樂寺為諸求法僧俗宣講法藏。

(6) 講學宏法

歲次己巳春大師年三十有⁸⁹，赴賈地為七十餘善知識宣講因明、帕勤、入中論、集論。

次大師還剎寺續造帕勤釋善說金鬘論⁹⁰。時剎寺中有一實證大德名曰智幢，顯密經論皆遍通達，

⁸⁹ 一三八九年。

⁹⁰ 次大師還剎寺續造帕勤釋善說金鬘論：即大師續造此論。

時輪金剛教授尤稱善巧，大師請其傳授，大德智幢仁波卿諾之。遂俱往覺摩壟，大德智幢仁波卿廣講時輪金剛無垢光大疏，大師並習學一切事相及其中所說算數。爾時大師亦兼為諸大善知識講授大小乘經論。

春間大師住錫五明道場，為七十餘通達三藏法師講演帕勤、因明、集論、俱舍論、苾芻戒、入中論，無量承事供養皆由貢迦法王供給。

次大師赴牙壟（地名）住門喀寺講演經律⁹¹，一切生活事緣所須皆由宗基寶稱仁波卿所供養。

是夏大師往極樂寺為眾講經，造帕勤釋善說金鬘論圓

91 講演經律：此數年中亦兼為學人傳授密法。

滿⁹²。

夏間大師住牙壟滿迦札（茅蓬名及寺名）閉關，修薄伽梵勝樂輪每日四座，並修內古六法，生起無量內證功德。

秋季大師返拉薩時，極尊仁達瓦仁波卿亦來拉薩，師徒共住補達落（地名及寺名）⁹³研究法義並教授學人。

次極尊仁達瓦仁波卿返後藏，大師冬住覺摩壟岩為無量授持三藏法師講授時輪金剛、帕勤、因明、集論、俱舍論。

冬季大師住垛壟錯梅修時輪金剛，兼為隨學人宣講經論。

92 造帕勤釋善說金鬘論圓滿：即大師造此論圓滿。

93 補達落：即現達喇嘛住處。

前宗基（地名）⁹⁴寶稱仁波卿久仰大師數數迎請，大師見彼殷勤遂往焉。至羅刹山時，貢迦法王亦久仰大師之德殷勤留駕。

冬間大師住門喀札喜棟（寺名），曾有一晚大師與諸善知識圍爐向火，談論先覺傳記云：「昔藏地，惟大善知識慧師子講經最多，於一法會同時能講十一種經論⁹⁵。」時善知識霞頓仁波卿請云：「若爾，吾等亦請大師同時講授爾許經典，大師垂許否？」大師曰：「若稍勵力，或亦能之。」諸善知識恭敬勸請，大師亦允諾。大師即於次日⁹⁶閉關溫閱參

94 宗基：在前藏之西。

95 於一法會同時能講十一種經論：即每日講十一座，每座講一種。

96 次日：即初十日。

究一切經論，預至三十日結束閱眾論，定於初一日開講。

時桑樸（地名及寺名）諸大善知識，聞大師將於一日中講十
一種經論，無不歡喜相繼來會。有赴法會恐不及者，則紛紛
預先來信，請大師慈悲將開講日期稍延數日。故大師於前四
日略講諸教論，自初五起十五種大論同時開講，於日中從
朝至暮講十五座曾無間缺。

大師於此殊勝法會期中所講諸論，小部者講畢三部，重
加三部以續其座共講十八論，謂聖無著論師五論⁹⁷、聖龍猛

97 聖無著論師五論：藏傳為辨法性論、辨中邊論、大乘莊嚴經論、究竟一乘寶
性論、現觀莊嚴論。

漢傳為分別瑜伽論、辨中邊論、大乘莊嚴經論、金剛般若波
羅蜜經論、瑜伽師地論。

論師中觀六論⁹⁸、集論、俱舍論、戒律、因明、入中論、入行論、四百論。講此十八論時，每論各依一廣釋為正宗，取餘釋為附屬，諸家同異一並決擇，歷經三月法會乃圓。大師在此法會期中每日晚座講畢，仍修閻曼德迦二次第瑜伽未嘗間缺。時諸聽眾咸共讚云：「大師若非為本尊加持，則是已獲得總持菩薩而無疑，非然者不堪任此大佛事。」。

又大師曾於一法會講二十一部大論，同日開講亦復同日圓滿。又因極尊仁達瓦仁波卿勸勉，住極樂寺諸大道場，

98 聖龍猛論師中觀六論：中論、迴諍論、六十頌論、七十頌論、細研論、寶鬘論。

於七年中講說無量經論教誨後學，每會同時講十部以上，每部又攝取數部註釋，其繁難可知而大師獨能自在有加，其慧力廣深亦可想見。又大師在專修之年⁹⁹，曾合講二十九部大論，一切緇素讚為希有。

(7) 獲得聖龍猛論師真實性

歲次庚午春¹⁰⁰大師年三十有四¹⁰¹時，欲學金剛乘之講授、灌頂、密傳、事相，並欲與極尊仁達瓦仁波卿研究法

99 大師專修之年：即大師專修事迹，下文廣錄。

100 庚午年春：即明太祖二十三年。

101 一三九〇年。

義，遂赴後藏住拏其壟（地名）從錯寺，依止住持名稱善知識授五種次第密乘法類。

時有西寧論師善中觀者號精進師子，住錫於勝樂上阿蘭若，大師之弟子三藏法師福稱論師與大善知識慧稱論師往謁請法。論師中觀師仁波卿¹⁰²云：「我須從汝阿闍黎¹⁰³前，請求妙音天女結緣灌頂。」云云。

論師中觀師與大師相會請求妙音天女灌頂，爾時詳談法義，論師中觀師仁波卿云：「自從童年，本尊文殊師利菩

論師中觀師仁波卿赴藏地求法於桑樸（地名及寺名），從初學帕勤獲得聰智已，本來意欲遊諸辯場。然本尊文殊師利菩薩謂論師中觀師仁波卿云：「可將一切資具供養僧田。」論師中觀師仁波卿曰：「若爾，則求學何給？」本尊文殊師利菩薩云：「有寶藏可取。」論師中觀師仁波卿即如教捨眾具已，論師中觀師仁波卿請曰：「寶藏何在？」本尊文殊師利菩薩云：「我勸汝捨離世事，專修善行（本尊以善行為寶藏，誘令捨離名利之貪）。」論師中觀師仁波卿即如教捨離事業，住公薄（地名）學迦馬崗倉之法，並學大印而專修。時本尊文殊師利菩薩現身說法，較前更為明顯堅實。

次論師中觀師仁波卿往桑耶寺，從錯迦瓦學時輪六加行，爾時本尊文殊師利菩薩幻化愈見明了。次請吉祥山尊師童勝為考真偽，尊師童勝以道果中密傳教授考問，本尊一一答覆如經所說。尊師童勝云：「觀此答覆，是真實本尊。」云云。

次論師中觀師仁波卿欲往後藏時，後藏有巴哈二人最負盛名，論師中觀師仁波卿問本尊文殊師利菩薩云：「依誰？」本尊文殊師利菩薩答曰：「汝可自往，至崩錯棟時，遇一苾芻，可如彼教。」至已果遇一苾芻，問之，苾芻曰：「可往巴惹瓦處。」至已，習學大印法。

極尊巴惹瓦是最具有厭離心者，以彼為緣論師中觀師仁波卿亦深發出離心，對現世貪著任運減少。

阿闍黎：指宗喀巴大師。

薩即常現身說法，吾曾以種種方法考其真偽，然至今吾猶未敢決信¹⁰⁴，請大師考察之¹⁰⁵。今日之來請灌頂者，亦因此而來。」大師即以中觀廣深法義善為觀察考問，覺其所得境相為真，大師告曰：「汝無須疑慮，只須殷重祈請。然本尊真

104 然至今猶未敢決信：即論師中觀師仁波卿在垂髻時，其身心處自然發出文殊五字明之聲音。曾有一次因發聲甚巨而悶絕，蘇已，見本尊文殊師利菩薩佇立於前其身黑色，次請本尊文殊師利菩薩灌頂法修之。本尊文殊師利菩薩數數現身說法，然未敢自信為實。

105 請大師考察之：論師中觀師仁波卿是本尊文殊師利菩薩親現身說法而攝授者，原無絲毫虛偽，然論師中觀師仁波卿猶不敢自信為實者，故於大師前請教互為印證。係見末代有情略見幻相（乃至夢相）全不加以考察決擇便執為真，隨教妄為誤入魔境毀壞正法，悲愍此類有情。

實身語意，惟意識之境¹⁰⁶，實非現前前五根識之境。我亦深欲文殊師利菩薩教授，惟現下極尊仁達瓦仁波卿將至大倉，我師徒必須相會，日後必請授。」云云。

次大師往大倉，時有三藏法師名稱幢譯師、義賢譯師、極尊仁達瓦仁波卿，更有隨來諸大善知識及寺內原住僧俗共集，其一切所須飲食臥具，皆由大持律沙門實趣大士行譯經三藏法王勝依吉祥賢所供給。

106 惟意識之境：謂本尊所現身略有三種：一、本尊若是真實本尊身，必須行者皈依量及滅道二諦三摩地意現量成就方能見，是為意識境。二、本尊若所現身如鏡像幻化霞光相，非類似血肉體是為不顯不實本尊身，此種現身或由行者善根習氣顯發，或由觀行者三摩地意現量現，亦是意識境。三、本尊若所現身類似肉體是為顯了堅實本尊身，此種現身但由行者善根習氣顯發，或由觀行者三摩地意現量現，仍是意識境。若為前五根識之境即名虛幻現非本尊身。諸學密者必須知此，不致心為魔所惑。

爾時三藏法師名稱幢譯師講帕勤，勝依法王講歡喜金剛經第二品，極尊仁達瓦仁波卿講自造因明廣釋，大師聽授並廣決擇重要難處。

次師徒同赴巴鄔巴那，大師依極尊仁達瓦仁波卿座前，聽授集密根本大教王經一遍，爾時大師欲往貢松法吉祥¹⁰⁷仁波卿前聽授時輪金剛教授，時極尊仁達瓦仁波卿云：「汝學密乘何其過急，現下講演教法有廣大饒益，宜先事講說。」大師答曰：「我深樂密法，以欲先學密。」次極尊仁達瓦仁波卿往薩迦寺為僧俗講法，大師則返其壟與論師中觀師仁波

107 貢松法吉祥：或譯法德、法勝。大師於其夜夢中聞：「貢松法吉祥仁波卿於布頓仁波卿聽授時輪金剛教授凡十七遍。」後大師謁時問云：「師從布頓仁波卿，聽時輪金剛教授幾遍？」貢松法吉祥仁波卿曰：「凡十七遍。」與夢中所聞恰相契合。

卿相會。

大師與論師中觀師仁波卿¹⁰⁸相會後，依之請授本尊文殊

師利菩薩無量法類¹⁰⁹，並請論師中觀師仁波卿代為傳語，請

¹⁰⁸ 論師中觀師仁波卿以本尊文殊師利菩薩為善知識，每晨覺已傳授一頌未嘗間缺。本尊文殊師利菩薩並親教修出離心、菩提心、菩提心、真實性，身心煩惱何者粗猛必先對治，即一切行止悉依本尊文殊師利菩薩所教而行。論師中觀師仁波卿精進無量，故所證功德皆非餘人所能思議。

¹⁰⁹ 爾時本尊文殊師利菩薩，曾教授論師中觀師仁波卿三有涅槃平等正見，名曰金剛語句，云：「依種種緣起，當了真實義，最初修歸依，集福淨諸障。修順逆緣起，觀身語意性，甚深教授等。」又云：「修行菩提者，安住三摩地，身語意諸蘊，斯皆無有我，離彼亦無我。修行菩提者，當知無我義，謂觀蘊界處，顯空及生死，涅槃緣起等，斯皆無自性。遠離生住滅，有無皆非我，超言說戲論，深靜無分別，知者般涅槃。」（因文之便，譯增三句。此頌並有長行釋文，現存至尊宗喀巴大師著述中，約譯漢文兩卷）「總攝三藏要義甚為希有。論師中觀師仁波卿圓寂火化時，火焰煙雲皆成寶劍及青蓮花形，舍利無量其色紅黃（是文殊師利菩薩色）淨如水晶，更有多數舍利合為成六幅輪者，輞轂俱全甚為希有。」

問本尊文殊師利菩薩多種廣深義。

大師思惟：「若未得中觀真實性，如同未得道之命根，然得亦甚難，倘或倒執其錯謬過患尤甚於常斷見。」大師尋求中觀真實性之心，可與薩陀波侖相比。爾時大師所問亦多為修中觀真實性之樞要，本尊文殊師利菩薩云：「幻有與真空二品絕不可生遠近之心，猶須特重於幻有；學空義墮斷見者，必撥無因果毀謗世俗，世俗既壞勝義焉存耶，此過有甚於執有；幻有真空必須互依而立，故二諦俱是緣起法¹¹⁰。此乃中觀特具性。」。

之後大師再請問本尊文殊師利菩薩，並獲本尊文殊師利

110 故二諦俱是緣起法：即二諦俱是施設緣起法。

菩薩數數教授，本尊文殊師利菩薩亦為大師略辯中觀二派¹¹¹之微細分差別；俱生分別二種我執所計之我；以比量智所破之粗細分齊；通達中觀真實性之量；月稱論師派建立世俗唯名言量之方法；略說顯密二乘共道不共道之差別；無上瑜伽續部集密金剛圓滿次第中六種次第之體性決定、次第決定、數量決定、量決定極難通達廣深之義。大師又請云：「今猶未解？」本尊文殊師利菩薩囑曰：「此等可暫為書寫記之，然後再於上師本尊殷重祈禱、修本尊法、集聚資糧、淨治業障、於諸經論詳細觀察，常恆無間精進莫懈，並以吾所說略義為增上緣，則必能速疾通達。」。

111 中觀二派：應成派、自續派。

時大師深欲了解聖龍猛論師之中觀真實性及集密金剛教授，大師再請問本尊文殊師利菩薩云：「藏地能教授聖龍猛論師中觀不共勝法者，孰為最宜？」本尊文殊師利菩薩曰：「無過於極尊仁達瓦仁波卿者，然彼亦不能盡斷汝疑，故惟有以論師中觀師仁波卿為最宜，但論師中觀師仁波卿不久將返康地，故汝今宜暫不講說，更須靜慮依法義調伏續流，不久即當通達。」大師又請問云：「月稱論師所釋聖龍猛論師之論義，是否絲毫無謬？」本尊文殊師利菩薩曰：「月稱論師乃上方世界佛前最勝慧力之一大菩薩，特為光顯聖龍猛正宗而授生此土，故其所釋聖龍猛正義無論顯密皆無錯謬，必須決定信授。」。

爾時論師中觀師仁波卿請問本尊文殊師利菩薩有關大師

之宿世本生甚詳，論師中觀師仁波卿云：「此師年齡尚幼智辯超群，現下若專事講宏必能大揚正法，若驟然捨事專修，他人必怪我，請仍暫令弘法為宜。」本尊文殊師利菩薩更曰：「何能補益聖教饒益有情非汝所知，他人見謗汝須修忍辱。彼¹¹²若不靜慮修壽必不長，利益亦惟相似。故惟有先捨事專修，依法義調伏續流最為切要。」大師依本尊文殊師利菩薩所教誡，專修之志遂決。

(8) 專修密法

次大師想：「先須學密，後方專修。」乃暫解關往仰垛（地名）對勤（寺名）朝謁布頓仁波卿。其上首弟子名法勝仁波

112 彼：指宗喀巴大師。

卿者，最善時輪金剛教授，於顯密教法皆悉無疑。

自歲次庚午秋大師年三十有四至辛未春大師年三十有五¹¹³，即依法勝仁波卿座前學法，初謁之時供養黃綢巾一幅，次日早朝又供鸚鵡緞一匹，請講授時輪金剛大疏及諸事相。適值仁波卿講時輪金剛大疏初品畢，法勝仁波卿含笑慰云：「今因緣¹¹⁴甚善，昨晚綢色黃，順地界收攝次第相，是必能究竟圓滿次第之相；今日緞色綠，順空界生起次第相，是必能究竟生起次第之相¹¹⁵。今更適逢第二品之首，經文『若為成熟諸大人故』之句，因緣尤善，我必令汝一切圓

113 一三九〇年秋至一三九一年春。

114 因緣：即預兆。

115 此言大師修生圓二次第必能於此一生圓滿即身成佛（幻身光明即身成佛）。

滿。」言已仍自第二品講起，圓滿後特為大師重講時輪金剛大疏初品。於此期間大師學時輪金剛疏釋，修行事相六加行法一切圓滿。

次大師欲學全部圓滿無謬瑜伽之所有傳承、解釋、事相，因大師認為未學經前應先學事相方能盡善，故先從布頓仁波卿之弟子極善瑜伽事相名壽自在者，習學金剛界與金剛頂瑜伽續部，凡一切大曼陀羅之畫規、舞讚、結壇、結印，大師皆學得極善純熟。

大師於一日夢中，見一大寶座上坐一老僧，首戴佛冠手執杵鈴，聞云是上師傾薄雷巴¹¹⁶仁波卿號童子福，大師亦坐

116 上師傾薄雷巴：即布頓仁波卿上首弟子。

彼身前。時上師傾薄雷巴仁波卿起立手執杵鈴，右繞大師三匝，其念珠自然發出藹迦跋咒聲。次持杵鈴置大師頂上，唱云：「羯摩跋究囉。」上師傾薄雷巴仁波卿復坐。大師從夢中醒已，想：「昔日密號為不空金剛，今日為業金剛，俱是羯摩部名，極相順焉。」。

自春至秋¹¹⁷大師返回法勝仁波卿前，請其授金剛鬘之灌頂、傳承、密授、指導、舞讚、畫壇一切事相，更授金剛手大輪法。

次大師欲往雅爐（地名）上師傾薄雷巴仁波卿前授學瑜伽。是夜復於夢中，見上師傾薄雷巴仁波卿坐寶座上，以賢

117 一三九一年；大師年三十有五。

善座法而坐，大師亦坐其前。上師傾薄雷巴仁波卿自以雙手開衣示大師，大師見上師傾薄雷巴仁波卿心內有大咒左繞成輪，其輪字迹炳然，大師讀之。

大師就如其所夢速往雅爐，依止上師傾薄雷巴仁波卿學法，當大師拜謁上師傾薄雷巴仁波卿時與夢中所見無異¹¹⁸，生無比信敬心。

自秋至夏¹¹⁹大師依止上師傾薄雷巴仁波卿習學瑜伽續部諸大曼陀羅，兼學下二續部一切密法，並習學無上瑜伽續部無量法義。傳法畢已，上師傾薄雷巴仁波卿云：「今法已歸主，我無所悔矣。」云云。

¹¹⁸ 此二夢俱為希有，前夢是灌頂相，後夢是授德相。

¹¹⁹ 一三九一年；大師年三十有五。

大師如是學已仍回法勝仁波卿前，聽授金剛心釋、拏熱大疏及桑都根本續二派之解釋。

次大師復從三藏法師稱幢仁波卿決擇瑜伽，兼授布頓仁波卿所著之金剛出生大疏、瑜伽根本經、金剛頂經。

(9) 專事修持

歲次壬申秋大師壽三十有六¹²⁰，大師與論師中觀師仁波卿往拉薩朝釋迦世尊佛像供養發願。次返迦瓦棟（地名）¹²¹，二人各居別壇俱閉關修持，飲食等事同聚一處。大師請論師

120 一三九二年。

121 迦瓦棟：譯為喜面；或譯歡喜首；或譯歡喜頂。

中觀師仁波卿轉述本尊文殊師利菩薩所說無量妙法，並問無量廣深難處。大師念：「今後我當殷勤請求本尊文殊師利菩薩現身較轉述為便。」遂將此意白論師中觀師仁波卿，論師中觀師仁波卿云：「甚善。」大師遂殷誠祈請精進習持，未經多日忽見壇中有一曼陀羅，藍色甚鮮美如涂靛青，光明淨潔似吠琉璃上有五色霞網，霞光中間有文殊師利菩薩結跏趺坐，身黃金色¹²²相好莊嚴，觀之無厭。大師見此來白論師中觀師仁波卿，論師中觀師仁波卿笑云：「汝似已親見真實本尊。」自此以後，大師每欲見本尊文殊師利菩薩時，懇切祈

122 身黃金色：亦有謂身紅黃色。

諸佛體性身為黃金色，諸佛利眾生身為應不同眾生機緣而不同色，故紅黃色亦依眾生而示相。

禱須臾本尊文殊師利菩薩即現，此境是大師自述。

爾時請論師中觀師仁波卿為翻譯，本尊文殊師利菩薩親為大師傳閻曼德迦灌頂，在灌頂時，本尊文殊師利菩薩剎那現彼閻曼德迦本尊身而為灌頂。大師又從論師中觀師仁波卿聽授有關本尊文殊師利菩薩親自教導論師中觀師仁波卿之無量法教。

大師決定捨事專修，請問本尊文殊師利菩薩云：「當偕何人共同修持？」本尊文殊師利菩薩授記令偕師利跋陀羅¹²³論師、菩提僧訶¹²⁴論師、寶幢論師、賢護論師、妙吉祥海論師、妙德吉祥論師、慧稱論師、勝護論師八人，同住修持。

123 師利跋陀羅：譯勝賢或吉祥賢。

124 菩提僧訶：譯覺師子。

秋季論師中觀師仁波卿欲回康地，大師送至拉薩，師徒不知能更相會否，大師為此須再請問本尊文殊師利菩薩有關修行要義，遂與論師中觀師仁波卿同往大昭寺廣陳供養殷誠祈請。本尊文殊師利菩薩為大師說數頌，大師依次書之。爾時更從論師中觀師仁波卿請授桑都、不動如來四種教授大灌頂。¹²⁵

論師中觀師仁波卿回康，大師往覺康壟。秋末，廣講法義教化無量眾生。次於九、十月間大師偕八大弟子由覺康壟啟錫，往寂靜勝地閉關專修¹²⁶。

¹²⁵ 以上是大師學習密咒教授略錄少分；亦即大師於壽三十有六前通達密咒一切教授。

¹²⁶ 往寂靜勝地閉關專修：此捨事專修之年月有異說，與上下文俱不相符，未錄。

是時師徒九人乘船赴阿喀（地名）¹²⁷經冬春二季，住彼初修時，大師念集資淨障為修行之基礎，故師徒九人同以四力門精進行持。阿喀官家生大信心供給一切所須資具。

大師以磐石作大曼陀羅殷勤禮供，擦拭盤壇，指端俱裂，腕部全傷，痛苦雖加毫無懈怠，勇猛精進曾無少間。故每臨禮拜時，則感三十五佛現全身於其前。

大師修法畢，暇時則多閱大方廣佛華嚴經諸大經典，廣學菩薩難行苦行，意樂勇猛精進無比，大師心想：「何能成辦即身成佛？」時見慈尊彌勒菩薩身量高碩為純金色眾寶莊嚴，於寶座上結跏趺坐，手執花枝作說法印；亦見釋迦能仁

及藥師如來，身作黃衣；復見慈尊彌勒菩薩賢善坐相，身著袈裟為沙門像，手執龍華上置軍持；復見無量壽如來無量海會。雖獲如是境界，大師認為此皆觀想力所現不可執實。時本尊文殊師利菩薩告妙吉祥海論師¹²⁸云：「大師所見並非普通幻相，須殷誠祈禱未來有最極殊勝因緣。」。

歲次癸酉春大師壽三十有七¹²⁹，諸學人殷勤勸請大師講經，大師請問本尊文殊師利菩薩：「可否？」本尊文殊師利菩薩告云：「懽悞難調諸有情，非以講說能饒益，依法義調伏續流，當得自他歡喜道，故仍須專勤修行。」。

是夏大師往朝精其（地名）慈尊彌勒菩薩聖像，廣陳供養

128 妙吉祥海論師：即大師弟子中親見本尊文殊師利菩薩者，妙吉祥海論師為最上。
129 一三九三年。

發無量大願。

冬季師徒俱往達薄門壟（地名）¹³⁰精進修行，發生無量不可思議殊勝功德。爾時大師見本尊文殊師利菩薩身形高廣威德赫然，旁有無量聖眾圍繞；又見聖度母菩薩、聖尊勝母菩薩、聖光明母菩薩、聖白傘蓋菩薩一切本尊；亦見聖無著論師、世親論師、陳那論師、法稱論師、功德光論師、釋迦光論師、天王慧論師、蓮花戒論師廣大行派一切論師；及見聖龍猛論師、聖提婆論師、佛護論師、龍智論師、月稱論師深觀行派一切論師；又見造箭論師等八十四位獲得大成就者。大師雖獲此希有難得境界仍作是念：「此等境象皆是自心幻

130 達薄門壟：在阿喀（地名）附近。

現不可執實。」本尊文殊師利菩薩復教云：「此等境界非比尋常宜誠祈禱，能如實饒益自他究竟利益。」又見本尊閻曼德迦高碩威嚴首臂圓滿。復於彼時，大師又見本尊文殊師利菩薩眾會圍繞，從本尊文殊師利菩薩心中生出一利劍，劍尖達大師心中；又從本尊文殊師利菩薩心中流出甘露，色光黃白形如流水，由其劍上徐徐流入大師心中，大師頓覺無漏妙樂充滿身心。

(10) 作諸佛事

歲次甲戌春大師壽三十有八¹³¹，依本尊文殊師利菩薩所

教修葺精其（地名）慈尊彌勒菩薩殿，師徒俱往阿喀（地名）。精其彌勒殿初為允效勇仲所建，慈尊彌勒菩薩銅像身量與人齊有大加持力。其殿原極莊嚴牆壁佛像充滿，至末世奉掃乏人、殿堂頹壞、灰塵鳥糞，盆污菩薩者久矣。大師見此凋零景像不覺傷心落淚，為欲修葺精其慈尊彌勒菩薩殿，勸化阿喀官家培整殿堂，阿喀官家如教成辦。彩畫等事大師師徒欲自力而為，時師徒十二人¹³²共集資具，連同法器在內價僅值銀一兩二錢，不敷之數欲供毘沙門天令其佐助，奈乏酥油時，有一沙門供酥油一小包正足以供之，大師至誠祝禱成辦此事。

132 時師徒十二人：在阿喀修行時又加三人。

次日大師供施雲集，一切用具未嘗困少。大師往牙壟（地名）請畫師，彼自持顏料來任畫事，大師使畫師日授齋戒而畫，其餘一切協助之人亦皆不許作無益雜語，令口誦願詞作諸事業。

爾時本尊文殊師利菩薩囑咐大師，以十方諸佛為慈尊彌勒菩薩像灌頂事為本作慈尊彌勒菩薩讚，大師遂造慈尊彌勒菩薩讚曰寶光明炬，又造極樂願文曰闍勝土門，又畫文殊師利菩薩嚴淨國土圖。開光時見本尊文殊師利菩薩來入其像，是夜供以酥燈，燈量雖小然能燃至次日中午¹³³。又畫三十五佛時，畫師不知三十五佛身色手印及一切威儀，請問大師當

133 燈量雖小然能燃至次日中午：此像有加持故。

如何畫，大師設供祈禱迎請諸佛，三十五佛皆現身，畫師遂依所見而畫¹³⁴。

諸事已畢，大師乃建立文殊師利秘密大曼陀羅，為一切聖像總開光。開光正行之日，其日甚長過於往時，是日事雖繁而大師悉能圓滿完成，會眾莫不讚為希有。

時羅札（地名）肯勤¹³⁵虛空幢仁波卿，見虛空有七佛向北而去，虛空幢仁波卿問云：「何往？」七佛答曰：「精其今日開光，有請故往。」後大師晤虛空幢仁波卿時談其所見，正與慈尊彌勒菩薩像開光同一日。

134 畫師遂依所見而畫：謂今藏地三十五佛畫法皆本於此。

135 肯勤：舊云大堪布，即漢地大和尚名位。

虛空幢仁波卿一日見一白色女子，白色女子告云：「有一圓滿士夫，正為慈尊彌勒菩薩像加持，彼與文殊師利菩薩體性無二，前十五生中與汝有緣，即於今世亦當互為師徒。汝當請來將所有教授莫吝教之，亦當從彼請諸法要。」云云。時虛空幢仁波卿因此記荊發起無量信敬心，殷勤垂請要與大師相見，大師依請遂往。

歲次乙亥大師壽三十有九¹³⁶，往羅札（地名）六月初四日至札阿寺。虛空幢仁波卿出迎，虛空幢仁波卿見大師體性為文殊師利菩薩體性，圓光圍繞；大師則見虛空幢仁波卿體性為金剛手菩薩體性，腹輪圓滿，色同琉璃，青蛇嚴身。是夜

136
一三九五年。

大師從虛空幢仁波卿聽授上師瑜伽¹³⁷，師徒俱見金剛手菩薩入大師身。

次早虛空幢仁波卿聞云可請慈尊彌勒菩薩親講集菩薩學論，虛空幢仁波卿即依教請之。大師云：「本尊為授記？」虛空幢仁波卿答曰：「然。」大師遂為虛空幢仁波卿及羅札一切僧俗講集菩薩學論。其講經時，虛空幢仁波卿見大師頂上虛空中有慈尊彌勒菩薩、右肩上有白色文殊師利菩薩、左肩上有妙音天女菩薩、並有四臂八臂一切護法聖眾住空圍護、天龍八部圍繞聽法。

大師復為虛空幢仁波卿一人傳馬頭明王菩薩、金剛手菩

137 上師瑜伽：即噶當教授派教授；表大師的噶當教授派傳承依虛空幢仁波卿得；亦名喇嘛瑜伽。

薩、大孔雀明王菩薩法。大師則請虛空幢仁波卿傳授諸先覺之菩提道次第¹³⁸，請法之時，大師見虛空幢仁波卿頂上有釋迦如來、右有金剛手菩薩、左有白傘蓋菩薩住虛空中。

一日大師白云：「我於正見法類有疑未解，為解疑故欲往印度樹山朝密多羅大師，不知有留難？」次虛空幢仁波卿代問本尊金剛手菩薩¹³⁹，虛空幢仁波卿告曰：「汝正見之疑，我已請本尊金剛手菩薩為釋難。汝往印度朝密多羅大師亦無障礙，更當為金剛座大菩提寺住持聖教利益眾生。惟汝

138 諸先覺之菩提道次第：即噶當道次第派教授；表大師的噶當道次第派傳承依虛空幢仁波卿得。

139 虛空幢仁波卿代問本尊金剛手菩薩：謂虛空幢仁波卿之本尊為金剛手菩薩，日日現身說法。虛空幢仁波卿住真實性時能知五百世之事，乃至夢中亦能憶十六生而不忘。對其山周遭所有眾生起心動念皆可洞見無礙，凡起非理之意教令對治，下至稱其名者能離一切非人損惱，其殊勝功德難為盡錄。

徒眾多是大乘資糧加行道瑜伽者，多有命難。故汝去印度不如往藏地宏揚聖教饒益有情更宜。」大師依金剛手菩薩教誡而止。

大師請問諸疑於本尊金剛手菩薩，本尊金剛手菩薩為大師釋疑，大師將之著書書名為甘露勝藥¹⁴⁰。次本尊金剛手菩薩授記，勸大師作精其慈尊彌勒菩薩讚名梵冠，更當供養出家資具一全套¹⁴¹作為末法宏揚戒律大因緣，大師如教奉行。本尊金剛手菩薩又云：「汝壽四十五歲時當有障難，為除難故傳汝大輪甘露滴甚深生滿次第。」本尊金剛手菩薩更記

140 甘露勝藥：譯漢文可成一卷。

141 出家資具一全套：即衣鉢。

云：「今可往拶日（山名）¹⁴²朝謁聖迹，能為聖教眾生作廣大饒益。次汝因印度一大善知識現身，並其著述獲得真實性，於此期間亦可兼講法義而教化眾生。」。

總之大師住羅札七月為僧俗講多種教法，利益無量有情。

次大師預歷孃（地名）赴羅熱住五月專修¹⁴³，中間赴扎廓（地名）朝禮遍智法依賢仁波卿。

大師由阿喀（地名）往羅札時道經孃地，至扎廓謁法依賢仁波卿。法依賢仁波卿於前一夜夢中，見一沙門謂是阿底峽尊者。次早法依賢仁波卿念：「今日必有傳阿底峽尊者教

¹⁴² 拶日：在前藏之南。

¹⁴³ 住五月專修：時丙子年；一三九六年；大師壽四十；於下文詳述。

授者來。」遂預設法座。午前大師至兩人互問法義已，法依賢仁波卿見大師體性與阿底峽尊者體性無二，心中生起無量信敬歡喜，故供養大師緞子三方並請求法義。大師云：「於如日光大善知識前，我如螢火敢有說乎，願大善知識先教我？」。

法依賢仁波卿為大師講授菩提道炬論釋無量法已，大師方為法依賢仁波卿講授阿底峽尊者教授及桑都五種次第。法依賢仁波卿又傳大師聖教次第論¹⁴⁴及聖教次第論廣釋¹⁴⁵。

¹⁴⁴ 聖教次第論：表大師的聖教次第論傳承依法依賢仁波卿得。

¹⁴⁵ 聖教次第論廣釋：即噶當教典派教授；表大師的噶當教典派傳承依法依賢仁波卿得。

大師造菩提道次第論之要義主要依據為聖教次第論、噶當道次第派、噶當教典派、噶當教授派。

次大師續往羅札，法依賢仁波卿則依大師所傳之見而修持，覺與先前所修法義不合，甚難生起法義現證，即請問本尊不動明王菩薩云：「大師所傳是何見？」本尊不動明王菩薩告曰：「是究竟清淨真實性，雖無上瑜伽亦不能超出，當修此為主。」法依賢仁波卿又問云：「若爾，則錯拏（地名）瓦之見¹⁴⁶又為何？」本尊不動明王菩薩答曰：「彼為生起聖龍猛論師真實性加行。」於是法依賢仁波卿遂依大師所傳法義而修，不久即得不退轉相¹⁴⁷。

次大師再由羅札返孃（地名）住羅熱五月，中間再往扎廓

146 錯拏瓦之見：即法依賢仁波卿先所學教授。

147 不退轉相：謂現觀莊嚴論云：「不退轉相是加行道以上功德。」即法依賢仁波卿初閉關時曾發願云：「若不證得不退轉相，絕不下此階一級。」。

朝法依賢仁波卿，時法依賢仁波卿以通力預先了知，是日令徒眾備馬往迎。會遇時，大師賀云：「汝師志願圓滿，已得不退轉相。」云云，遂往法依賢仁波卿處研究法義。

(11) 建立律儀

歲次丙子夏大師壽四十¹⁴⁸，往雅珍阿蘭若專修，順緣有缺仍供毘沙門天請其護助，遂得順緣具足。

次大師師徒共三十餘人在拶日（山名）朝謁聖迹時，大師見勝樂輪金剛本尊及一切護法相，並證得無量廣深法義。

次大師由拶日返孃（地名），途經摩囉（山名）住宿山下，

夜見慈尊彌勒菩薩形量高碩威德赫然，而相慰云：「善男子！汝如諸佛出現於世。」云云。

次大師回孃住於獅子城，專修時輪金剛圓滿次第六種支分，獲證廣大觀慧決定見解，於時輪金剛圓滿次第六種支分無所紊亂，又獲證無畏辯才。自此以往本尊時輪金剛屢為現身，本尊時輪金剛讚大師云：「善男子！汝如月賢大王再來無異。」云云。

又住彼時，大師數數將菩提道次第之體性決定、次第決定、數量決定、量決定，請問本尊文殊師利菩薩。本尊文殊師利菩薩告云：「今後無須問我，自可詳閱經論觀察思擇，不久當自知。」。

次大師往孃之金沙塔廣興供養，並講苾芻戒律安立無量

有情令住淨戒。時本尊文殊師利菩薩勸云：「今後一切細行皆須依戒而行。」大師曰：「處此末法斯事甚難，諸餘眾生亦難具足。」本尊文殊師利菩薩云：「若不爾者，則於眾生無真實利益，果欲真實住持聖教成熟有情必須殷重戒律。」大師依本尊文殊師利菩薩教誨，自此以後下至瀘水觸火最微細事莫不依律而行，徒眾亦皆隨大師行持戒律不敢有違。¹⁴⁹

(12) 壽難

是年¹⁵⁰妙音天女菩薩為大師授記云：「汝壽只五十七，於此中間當作自他無量饒益。」大師曰：「修尊勝母法，可

149 此即黃教尊崇戒律之起源；亦即大師注重大小乘戒弘揚的緣起。

150 一三九六年；大師壽四十。

延壽否？」妙音天女菩薩告云：「修此法乃汝昔願與深樂觀慧之力故，悉成增長智慧之因於壽無大益。」本尊文殊師利菩薩為大師授記云：「今後應特修對治壽難法，雖稍艱難然能遮止。¹⁵¹」。

(13) 初次得大弟子

是年¹⁵²大師住孃（地名）之崗穹為諸僧俗講授法要，並於孃之惹種安居，有阿闍黎號達瑪仁勤者，自後藏來前藏諸寺立宗，初聞大師名未敢輕信，遂由後藏來孃欲與大師辯論法

¹⁵¹ 大師壽五十四至五十八專修對治壽難之法，下當詳述。

¹⁵² 一三九六年；大師壽四十。

義。適值大師為眾講經，彼欲尋辯爭隙故挺身而進，戴帽不禮。大師見其來，遂下高座據小座而講。阿闍黎達瑪仁勤仁波卿初無敬心直升高座，漸聞大師所講皆昔所未聞，慢心頓息敬信倍起，遂摘帽下座，處於聽眾位次恭敬聽講，並誓從大師為隨身弟子。十二年中阿闍黎達瑪仁勤仁波卿聽授大師一切顯密法義，大師圓寂後紹繼大師法位，故皆稱為賈曹傑¹⁵³大阿闍黎達瑪仁勤仁波卿。

爾時大師欲於孃地設講經會，施主之職由惹種（寺名）住持擔任，其餘信施亦甚多，故總聚孃緇素廣轉無量法輪，自此以後年年未絕，斯皆大師大悲願力善權方便之所致。

¹⁵³ 賈曹：譯為紹繼，即紹繼法王位。紹繼佛者，即補處菩薩之稱。又大阿闍黎達瑪仁勤仁波卿與大師相會之因緣有數說，恐繁不錄。

(14) 廣弘聖教

歲次丁丑大師壽四十有一¹⁵⁴，如是於孃（地名）宏揚正法饒益有情已，仍回阿喀（地名）住阿得公（山名）拉頂阿蘭若一年，自修教他二事兼行。

歲次戊寅大師壽四十有二¹⁵⁵，自棄事以來乃至是歲，於中觀真實性及月稱論師¹⁵⁶清辯論師¹⁵⁷微細差別要義，雖數數思擇然未能於相續獲得究竟決定。

次大師住拉頂阿蘭若時猶加精進詳細決擇，殷重至誠祈

154 一三九七年。

155 一三九八年。

156 月稱論師：即中觀應成派；又稱佛護論師派。

157 清辯論師：即中觀自續經部行派。

禱本尊文殊師利菩薩。一夜夢中，見聖龍猛論師、聖提婆論師、佛護論師、月稱論師及清辯論師，辯論決擇自性成立有無微細甚深義；其中佛護論師者，形量高碩身紺青色，手執一梵篋加持大師。

自此之後大師翻閱佛護論師中論釋未加勵力任運了解，對於月稱論師派中觀真實性之扼要，於相續獲得善巧，得未曾有生大歡喜。爾時遂造善說心藏稱揚世尊如來所說甚深緣起法，是書通稱曰緣起讚。

大師既證得真實性希有法已，秋末¹⁵⁸回阿喀（地名）。冬春二季¹⁵⁹為阿喀僧俗宣講經論，次於耶得鄔惹安居，又為彼

¹⁵⁸ 一三九八年秋末；大師壽四十有二秋末。

¹⁵⁹ 一三九八年冬至一三九九年春；大師壽四十有二冬至大師壽四十有三春。

寺僧俗宣演法義。冬季¹⁶⁰住阿喀札棟專修二次第瑜伽。

歲次己卯大師壽四十有三¹⁶¹，正月朝精其（地名）慈尊彌勒菩薩聖像，於釋迦世尊現大神變節半月中廣伸供養¹⁶²，所有功德專為住持聖教饒益眾生而迴向。當此供養之時，東方虛空諸佛充滿身皆藍色，與中央毘盧遮那佛充滿身皆白色無有異；如是東、南、西、北方及中央，如其次第一切諸佛身色分藍、黃、紅、綠、白，與不動佛、寶生佛、無量光佛、不空成就佛及毘盧遮那佛無有異。

160 一三九九年冬；大師壽四十有三冬。

161 一三九九年。

162 於釋迦世尊現大神變節半月中廣伸供養：依賢愚因緣經所說廣伸供養。

是春為二百餘三藏法師¹⁶³廣講無量顯密法義。

次因仰波（地名）僧俗以深信心殷勤迎請，大師遂在仰波住擋朵寺安居，為彼地有情廣轉法輪。大師由精其往仰波途中，其帽被風吹墮水順流而去，大師記云：「我之教法如流不斷，帽所止處當與中觀講席。」其帽止於仰波桑星岡。後大師高足號法上¹⁶⁴者，於此建立道場曰大乘法輪洲（寺名）廣宏中觀，正應大師所記蒞。

時藏官大臣虛空賢與大阿闍黎寶戒，數數函請大師返前藏更遣使來迎。大師亦欲朝前藏釋迦世尊聖像故，於秋季回

¹⁶³ 大阿闍黎達瑪仁勤仁波卿而為上首。

¹⁶⁴ 法上：或譯法涌。

前藏住薄達拉¹⁶⁵。時為桑樸（地名）極樂諸大寺住持為首及數百三藏法師廣講中觀光明論、苾芻戒法，轉大法輪。

歲次庚辰春大師壽四十有四¹⁶⁶，赴迦瓦棟（地名）於無量海會中宣講菩薩戒品、事師五十頌、密乘十四根本戒。安立有情於三種戒律、二世利樂、世出世德，皆以此為基礎。

時極尊仁達瓦仁波卿於達倉安居訖來前藏，大師迎於迦瓦棟（地名）¹⁶⁷，師徒亦為四百五十餘善知識轉大法輪。

有絳惹珍寺¹⁶⁸，係噶當派初祖種敦巴仁波卿所建立，是

165 薄達拉：即普陀落。

166 一四〇〇年。

167 承事供養悉由大師奉獻。

168 極尊仁達瓦仁波卿與大師深樂此阿蘭若處。

阿底峽尊者於噶當雷邦中數數稱揚記荊勝地，亦是噶當教授發源地，無量大善知識所依棲處。

冬季師徒為首與無量三藏法師由迦瓦棟而往惹珍（地名及寺名），極尊仁達瓦仁波卿講六十如理論及桑都五次第法，大師則廣演大乘莊嚴經論、辨中邊論、集論、瑜伽師地論諸大乘法¹⁶⁹。

歲次辛巳春大師壽四十有五¹⁷⁰，勝依法王及止公法王俱遣使迎請，大師先往止公（地名及寺名）講多教法，復依止公法王聽授拏熱六法。

¹⁶⁹ 時大師為極尊仁達瓦仁波卿講桑都月稱論師釋並中觀論；大師則從極尊仁達瓦仁波卿聽中觀月稱論師釋幽深修法。

¹⁷⁰ 一四〇一年。

次大師返惹珍（地名及寺名），同極尊仁達瓦仁波卿俱赴曩貝敦寺與勝依法王相會。時三法王在彼安居，三法王一致決擇要振興如來教法，惟有淘汰末代無知邪解疑惑垢，整頓教規大力廣弘戒律，使藏地佛教如西日更輝寶炬重耀。時六百餘僧侶授三法王護教悲切的誠懇所感，悔已往違犯，防未來過僭，罪辨重輕境分多寡，出罪必道名種，捨墮定離犯物，覆本意喜出罪作法，下至加持衣鉢房舍臥具澆水觀蟲折草掘地莫不一一如律而行¹⁷¹。

爾時三大法王復廣轉中觀及因明法輪。海會所須供具，皆由信心圓俱施財充裕大護法名曰功德海者供養。

171 莫不一一如律而行：此是大師重倡戒律大法會，所有講錄見存大師著述中。

解居後極尊仁達瓦仁波卿回後藏，大師與勝依法王並諸徒眾返惹珍寺。勝依法王講演中觀論，大師則講授菩提道次第論¹⁷²。

時大師於惹珍寺阿底峽尊者像前殷誠發願，祈禱尊者能加持顯揚聖教饒益有情，遂感得釋迦如來乃至虛空幢仁波卿一切清淨傳承祖師現身，特於一月之中，大師日日見阿底峽尊者與種敦巴仁波卿、博朵瓦仁波卿、霞惹瓦仁波卿，並施予大師無量教授教誡。至最後種敦巴仁波卿諸善知識融入阿底峽尊者身，阿底峽尊者手摩大師頂，慰云：「汝當於聖教作廣大事業，修菩提行饒益眾生，我當助汝。」說已不現。

172 菩提道次第論：此是前人所造。

歲次壬午大師壽四十有六¹⁷³，由勝依法王、止公法王並前後藏一切大善知識，皆殷勤勸請大師造菩提道次第廣論。

大師自覺內有菩薩加持，外承諸大善知識勸請，內外緣合時機相應，遂於壬午年造至道三要三種士夫之菩提道次第廣論。如是漸次造至靜慮度奢摩他竟，大師念：「造般若度毘鉢舍那恐於有情難生利益，不如且止。」時本尊文殊師利菩薩現身教云：「無論如何亦須造完般若度毘鉢舍那，能於有情成就中等利益¹⁷⁴。」大師遂續造般若度毘鉢舍那，每起

173 一四〇二年。

174 能於有情成就中等利益：此謂雖不能令一切有情皆了解真實性及修習般若度毘鉢舍那，然能令多數有情生信解故成就中等利益，若不造者則雖下等利益亦不可得。

念思擇真實性時，便見空中有大般若波羅密多經二十種真實性字句，字色如銀形相如寫，如是希有瑞相難以俱錄。

又大師造至道三要¹⁷⁵三種士夫之菩提道次第廣論時，其護法善神及地方天神現身云：「我等是蓮花生大師及阿底峽尊者之近事，今於汝教法成辦順緣，願大師慈悲攝授。」云云。故大師造至道三要三種士夫之菩提道次第廣論¹⁷⁶圓滿時，於迴向頌中亦為彼等迴向。

175 至道三要：菩提道次第為出離心、菩提心、真實性（出離性、菩提性、真實性）。密宗道次第為悲、智、力（悲性德、智性德、力性德）（悲部主、智部主、力部主）。

176 菩提道次第廣論由三法要、四教授而組成：

三法要：至道三要（出離心、菩提心、真實性）、三種士夫（下士夫、中士夫、上士夫）、三士道（下士道、中士道、上士道）。

四教授：道前基礎教授、共下士道教授、共中士道教授、共上士道教授。

大師告弟子眾云：「今後尚欲講授密法，汝等可從法王譯師¹⁷⁷請桑都灌頂，還淨其戒。」大阿闍黎持律名稱幢仁波卿為首共二十五人，於勝依法王前請桑都灌頂，法王亦歡喜授之。

又因上座賢護論師諸大善知識勸請，大師更造菩薩戒品釋、密宗十四根本罪釋、事師五十頌釋。

勝依法王獲得至道三要三種士夫之菩提道次第廣論，如大商主滿載珍寶歡喜而赴後藏。

歲次癸未大師壽四十有七¹⁷⁸，夏秋冬三季仍住惹珍（地名及寺名），廣演至道三要三種士夫之菩提道次第論，並將帕勤

¹⁷⁷ 法王譯師：指勝依法王。

¹⁷⁸ 一四〇三年。

與經文合講，講座圓滿時大師告云：「汝等可行供養¹⁷⁹。」時諸弟子皆從常住借燈盞，惟大阿闍黎達瑪仁勤仁波卿借而未獲，遂於一銅鍋中栽炷灌油，供獻於大師座前，大師見而笑云：「因緣甚善，可將諸餘燈油盡注於大阿闍黎達瑪仁勤仁波卿之銅鍋中。」注已盛滿而不溢，光明且勝於常。

大師此次所講帕勤，文義精髓盡出大師心得奧府，與往昔所造善說金鬘論稍有出入點¹⁸⁰。諸弟子請大師更造帕勤釋，大師謂大阿闍黎達瑪仁勤仁波卿云：「此次所講之要義，汝當具錄而造釋。」云云¹⁸¹。大阿闍黎達瑪仁勤仁波卿

179 汝等可行供養：即藏地中最重視供酥油燈。

180 與往昔所造善說金鬘論稍有出入點：此善說金鬘論多順先賢說，義雖無謬文句範圍非大師特見。

181 即大師開許大阿闍黎達瑪仁勤仁波卿造釋，實亦囑咐傳授法義。

依大師教造廣釋心藏莊嚴論¹⁸²，此即藏地講帕勤之根本所依。

歲次甲申大師壽四十有八¹⁸³，移錫於雷樸寺廣演法稱論師之因明廣釋¹⁸⁴，顯發隱沒勝義，重明斯論特言，即以一論文盡詮成佛之道，時諸會眾莫不為此論歎為希有，大阿闍黎

¹⁸² 廣釋心藏莊嚴論：即般若波羅密多要訣現觀莊嚴論釋心要莊嚴疏。

¹⁸³ 一四〇四年。

¹⁸⁴ 因明廣釋：謂法稱論師解釋陳那論師之集量論。昔法稱論師造論竟，自造初品釋，餘三品令其弟子天王慧論師造釋。初次造竟呈師座前，師令棄之於水，謂未明論義故令毀而更造。二次造竟呈師請閱，師令焚之於火。三次造竟，未頌云：「眾數無善根，時復不可待，為自修習故，略造此釋難。」呈師請閱，師嘆云：「未能盡明內容了義，僅可釋其文耳，遂存而未毀。」。

大師念因明深邃餘人難了，故更造一頌以冠其首。藏文原為一頌，每句十七字，漢文無此長句頌，故譯成二頌以詮之，頌云：「眾生著劣法，自乏慧力故，不求諸善說，因嫉返生瞋。故我不想此，能饒益餘者，必久習善說，故於此生喜。」是論之難可略見一斑。

達瑪仁勤仁波卿記而造論釋，今現存著述中。

次因藏王名稱幢殷勤迎請，大師遂赴聞（地名）住得勤敦寺¹⁸⁵與數百三藏苾芻共住安居，廣轉中觀、因明無量法輪，更傳菩提道次第論教授，時一切所須皆由王庭供養。

另大師赴阿喀（地名）住慈氏洲（寺名），廣講菩提道次第論與密乘二次第論。

冬季師徒閉關專修，時本尊文殊師利菩薩告云：「今當造智慧薩埵建立次第釋，有大饒益。」云云。大師依本尊文殊師利菩薩教授疾疾造釋，造竟復授諸徒眾廣為宣揚。

185 勤敦寺：譯大樂上寺。

是年¹⁸⁶因勝依法王諸大善知識勸請，並本尊文殊師利菩薩記莈，大師遂造總釋四部密續之密宗道次第廣論¹⁸⁷，總明四部密續全體，亦廣傳學人。

當大師宣講大秘密道次第論時，魔眾恐怖來作極惡留難，有一、二知識亦因而圓寂，師徒遂閉關專修破魔法，魔

186 一四〇四年；大師壽四十有八。

187 密宗道次第廣論：即大秘密道次第論；又稱金剛持道次第論；又稱大金剛持道次第開顯一切密要論；又稱密續總建立廣釋，約三十餘卷。

密宗道次第廣論由三法要、四教授而組成：

三法要：悲智力（無緣大悲觀世音之悲性德、無垢智主妙吉祥之智性德、摧伏魔軍秘密主之力性德）、三品士夫（上品士夫、中品士夫、下士夫品）、三品悉地（上品悉地、中品悉地、下品悉地）。

四教授：事續道次第教授、行續道次第教授、瑜伽續道次第教授、無上瑜伽續道次第教授。

此大論係本尊文殊師利菩薩述義，大師綴文而成。

事乃息。時大師復造閻曼德迦修行方便名曰勝魔，並造護摩儀軌。

次大師移錫於阿喀菩提壟過冬，為數百三藏法師講演密乘道次第。

(15) 再次得大弟子

歲次丁亥春大師壽五十有一¹⁸⁸，赴前藏於色惹其頂（茅蓬名）安居，一切承事皆由內鄔¹⁸⁹信施。爾時克主傑仁波卿來前藏立十部論宗遊諸辯場，帶著極尊仁達瓦仁波卿介紹信，特

188 一四〇七年。

189 內鄔：藏官之宅名。

來參謁大師。

克主傑仁波卿晉謁大師前夕於夢中，見十方黑暗，迷諸所趣悶住久之，忽見東方有二百一十口利劍，柄皆內向合而為輪，一一劍鋒有百日嚴飾光明晃耀，劍輪中有五彩霞光明網而為莊嚴，於光網中有文殊師利菩薩身黃金色¹⁹⁰，右執利劍左持梵篋，無量眾寶莊嚴其身，如十六歲童子，相好殊妙清淨威嚴，歡顏而來入己身中。當日光初發時黑暗頓消，光明遍照十方充滿一切世界。

克主傑仁波卿次日謁大師時，一見則信深生歡喜，遂殷勤至誠興無量問，特於諸論難處述自見解並問未解困難。大

¹⁹⁰ 身黃金色：亦有謂身紅黃色。

師亦深生歡喜，大師問云：「汝此見解並諸難處，由何而知之？」克主傑仁波卿白曰：「於無量聖教廣求多聞，於師長本尊殷重祈請而知。」大師讚云：「如是如是，我亦如是從本尊文殊師利菩薩獲得最勝教授，今當為汝說。」云云。

時克主傑仁波卿更以昨夜夢相請問大師，大師告云：「汝能視師長體性與本尊體性無別，甚善，足證明汝乃密乘如寶之機。汝見我為文殊師利菩薩體性無二，實乃如是。汝之夢相是表汝能住持正法饒益有情之相。」是時大師為克主傑仁波卿傳闍曼德迦灌頂，自是以往克主傑仁波卿則專依闍曼德迦為本尊。

大師住色惹其頂修法時，兼為少數弟子講桑都五種次第、勝樂輪金剛圓滿次第。又因諸學人勸請造中觀論廣釋，

決擇性宗微細幽深處。

(16) 朝廷迎請

歲次戊子大師壽五十有二¹⁹¹，於閉關時忽謂諸上首弟子云：「我略有留難相，為避免故須往餘處暫住數月。」弟子問曰：「欲往何處？」大師云：「現下不可預說。」忽於一夜眾無所覺時，大師攜隨者二人，往惹喀山巖閉關修行。時本尊文殊師利菩薩常現身為大師說唯識及中觀諸宗要義，並囑咐云：「汝今可略攝此深義著書。」大師依教遂著辨了不了義論曰善說藏論。

191 一四〇八年。

大師名稱遍滿三界，諸有情類莫不信仰。明成祖屢請未赴，復以廣大信心為饒益諸有情故，重使四位大臣及數百隨員，攜持無量供施殷誠奉迎。時諸大臣誠恐大師隱避，求見尚不可得，況云迎請？故諸大臣悉密其行迹，僅云來朝佛者。

過盆宇（地名）後，次早明相出時，諸大臣驟至色惹其頂（茅蓬名），時諸僧俗云：「大師非僅不在，且尚不知所往。」漢官不信，致使藏王親自為保證，證明大師實往他處，尚未得知。時漢藏諸人到處尋求，方知大師閉關於惹喀山巖。大師初不相見，後因漢官轉請藏王名稱幢並藏官大臣虛空賢再三宛請，大師才返色惹其頂。大師令來者朝見授其供施，大師詳述赴漢地害多利少種種因緣而辭之，並奉文明

成祖說明自不能到漢地理由，實非故意輕蔑王旨，並備上妙謝禮開發來使，遂免東奔之勞，安慰藏地之機。

時人皆讚大師以通力先知避脫，實為善權方便之極。明成祖禮物全係金帛磁玉之屬，大師所晉者則為釋迦世尊金像、觀世音菩薩聖像、文殊師利菩薩金像各一尊、釋迦世尊舍利四顆、阿底峽尊者舍利一顆。是戊子年六月十九日事。

時諸欽差大臣決不肯獨回，轉請大師遣一位上首弟子應明成祖之請才敢回朝。大師遂令大慈法王厥號釋迦智代替大師赴京。明成祖見大慈法王學德俱高遂封為法王，廣請無量法義。

次大師之中觀論廣釋造竟。並為六百餘三藏法師廣為宣講菩提道次第論、密乘道次第論、辨了不了義善說藏論、四

百論、密宗根本三昧耶、事師五十頌。住經兩載¹⁹²，承事皆出於內鄔官家。

大師解居後，因藏王名稱幢殷勤奉請，遂與五百餘大善知識赴種不壟（地名）。更有各地僧眾為聞法故來聚會者共約千人，大師為彼等廣演菩提道次第論，一切承事供養悉出王庭。

(17) 作大佛事

大師前在色惹其頂（茅蓬名）時，預於明春釋迦世尊現大神通之佳期廣建法會盛行供養，囑令內鄔官家護助辦理。藏

192 住經兩載：即兩安居。

官大臣虛空賢如大師所教料理供事淨治拉薩大招寺，凡有壞廢盡力修葺若財若力俱無惜吝。大師至種不壟（地名）時復勸化藏王名稱幢，彼亦覓求培福無不如命。大師并遣眾高足往止公（地名及寺名）、惹珍（地名及寺名）、聞（地名）及阿喀（地名）等處，勸化一切大小寺院長官施主并其各方門徒廣修信施福業。藏地雖狹然以大師悲願力故所集信施亦類山丘芡。時大師及諸弟子亦皆盡出所有回向為明春之供。

秋末大師上為聖教久住常轉揚於十方，下令有情集福獲澤於無盡，遍請諸畫師以無罪淨物洗拭聖像若金若彩煥然一新，復令諸裁工將供施之綢緞等類縫為諸佛菩薩各各所服之衣并為無量幢幡嚴具。

臘月末諸事已備大師由種不壟赴拉薩，三十日聚八千餘

僧侶獻奉供養，是日施襯等費大師師徒擔任施主之職。 193

(18) 廣大供養

歲次己丑大師壽五十有三¹⁹⁴，自正月元旦至十五元宵為釋迦世尊現大神通之正會。 195

193 往昔如來於舍衛大國現大神通，降伏六種邪外及彼眷屬，摧倒魔旌建樹法幢，拔濟無量眾生出不善處安立善處，未具信者令種信根已具信者令倍增長，未成熟者悉令成熟已成熟者悉令解脫，或有眾生發三菩提或證四道果，廣益無邊無際有情，如是時期傳為現大神變之法會（依賢愚因緣經）。昔梵邦諸大法王遇此勝期，廣以無量上妙供具供養三寶誦經發願福施有情。中代佛法流傳藏地，藏地諸大法王亦頗興此勝舉。末世凌移其事漸隱。

194 一四〇九年；明永樂七年。

195 昔如來現神通時十五日中各一施主如來各現一種神變，今十五日之法會亦日各有施主供獻不同。

是時大師供養釋迦牟尼如來¹⁹⁶一純金五佛寶冠，鑽工精巧形量端嚴，更飾無量真珠寶石。又供養不動金剛佛¹⁹⁷及十
一面觀自在菩薩各一純銀寶冠，眾寶莊嚴。又供養釋迦如來
一大量純銀寶鉢及一銀盤壇供。又供養三尊聖像於初八、十
五兩日全身塗金，餘日日中專塗面輪。又供養釋迦佛等一切
出家相者三衣資具各一全套。又供養諸報身佛及菩薩并明王
護法各隨其所應衣服眾具各一套。又如顯密經論所說於諸殿
中彼此牽繩懸諸幡彩拂鈴種種莊嚴供具。又於外層大道樹高
大木柱懸廣大繒幡，更於其頂上隨其方所置彼方神像，并於

196 釋迦牟尼如來：即文成公主由中國帶入藏地者。

197 不動金剛佛：即尼帕爾公主持來藏地者。

幡上書彼彼廣略諸陀羅尼。又每日晚間於彼彼幡下供臺之上依其儀軌興於供食，於彼等中間豎大白傘蓋幢悉依各各儀軌而為之，如般若經說彼此幢互相牽繩懸諸鈴拂繒彩眾具，宛若遍空彩霞飛騰躍舞。又盡日於內廊下供燈四百，於中繞道¹⁹⁸供燈百餘。又於外層繞道迎對釋迦佛前設一大石燈，其形正方每面約丈餘，中樹一大炷滿注酥油金光晃耀爭奪天色，更於諸大量砂罐滿中酥油，中樹燈炷量如臂腕相續不絕繞外層而供之。又夜間燈數更數倍於晝日。又每日供水換百餘次，其水則悉以藏紅花而變為金紅之色，其紅花之餘滓每日數升。又其香幢香傘并諸燒香煙接青雲晝夜未斷，內

198 繞道：即繞佛之巷。

外一切地基皆數數以香水散灑。又於大酥燈之左右各以百斗糴粍作成供品，上設無量酥油花而莊嚴之。又其餘供品高約二三尺量者酥花莊嚴共一百零八。又每日一換諸舊供者施諸貧乏，時諸方乞人脫諸飢苦，雖生未足食者至此亦忘飢渴之想。

如是無量供具清淨圓滿，大師復以咒印三昧加持成大樂不空之甘露，更與百千持戒三藏僧眾同依顯密經中所說儀軌廣為供養。十方諸佛菩薩聖眾海會皆降臨納受，所有瑞相與前在阿喀（地名）為慈尊開光時者大同。

又於爾時虛空幢仁波卿見大師頂上有觀音文殊及金剛手三尊部主，無量護法善神圍繞四方防諸魔礙。

又有獲得成就之孤扶（地名）仁波卿號無量光金剛，原住

拉薩惹喀閉關，一日圓滿開關赴拉薩¹⁹⁹，行至朗勤棟²⁰⁰遇見印度八十大成就者之一霞縛日跋。問云：「何往？」答云：「我等八十主勤²⁰¹應善慧名稱法王²⁰²所請，餘皆前去惟我稍遲。」云云。孤挾仁波卿於大眾誦三十五佛時，見三十五佛藥師七佛無量壽佛慈尊彌勒，并度母白傘蓋妙音天女八十主勤等於虛空較十方諸佛稍下而住。復於每日為無量僧俗講馬鳴論師所造之半生論一座曾無間缺。

會中招承十方僧俗并及一切事務者由藏官大臣虛空賢叔

199 一日圓滿開關赴拉薩：時正當大師法會。

200 朗勤棟：譯云象頂或象面象首。

201 主勤：譯大成就。

202 善慧名稱法王：即大師。

姪擔任，藏王名稱幢亦負任供施等職。

當早茶之時僧眾有不飲茶而繞佛者約千餘眾，在俗之士則數萬人。如是數萬眾生晝則聞法禮拜繞佛誦經發願，雖於中夜仍有繞佛者，平時之惡心等事悉於無形之中化為烏有。

大師於一夜夢中，見一高身婦人雙手抱殿而住若有所遮之相，問云：「何所為？」答曰：「防護火災。」次夜門前大石燈中酥油將盡未及注新燈炷與油忽然合燃猛燄熾空，一切眾生起大恐怖。大師無間急入靜室住三摩地微風俱息，故未用艱苦無間救滅全無一毫之損。大師又於夢中，見拉薩周圍有無數眾生從地而起昇空而去，問云：「何往？」答云：「我等以供養如來力故，往生梵天。」如是觀之大師之事業實不可思議。

(19) 根本道場

是年²⁰³徒眾逐日增多，因大師未建道場，師徒行住無定，多生疲勞，有勸大師建設安眾之處，以作大師弘揚教法根本道場。爾時諸徒眾及施主有願將自寺奉獻者，有願助資新興者，大師亦知機緣俱至，為除眾疑故，當法會之時大師將一切處所應當建寺何者最上，祈禱於釋迦世尊前，更觀燈相及夢相，顯示一切處中灌頂山旁大阿蘭若²⁰⁴為最勝，故於法會圓滿後，大師親赴其處加持地基。

爾時，大師令上首弟子大阿闍黎達瑪仁勤仁波卿及大阿

²⁰³ 一四〇九年；大師壽五十有三。

²⁰⁴ 灌頂山旁大阿蘭若：即具善寺（噶登寺）（格登寺）（具善尊勝洲）之所。大師前在羅札（地名），本尊金剛手菩薩已授記訖。

闍黎持律名稱幢仁波卿為首，並率領多數僧俗往灌頂山側阿蘭若處，如大師教創建具善尊勝洲（寺名）²⁰⁵。

時四方僧俗或助力或施財，一年之中建就七十餘院，定地基百餘處。其建房軌則俱如律說，初觀地基，次白僧眾，得僧許已，遣授事人，乃至結僧淨廚無不依律而為，就此觀之亦可見大師致力宏律一斑。

次大師返色惹其頂（茅蓬名）為六百餘眾講授中觀論、瑜伽師地論菩薩地戒品、菩提道次第論。

時因福賢仁波卿之請，大師與二百餘眾於春末赴銅山樸勤，為福賢仁波卿無量大善知識講菩提道次第論。

205 具善尊勝洲：即噶登寺；亦稱格登寺；又稱具善寺（黃教三大寺之一，是為黃教根本道場）。

夏季大師依阿喀（地名）僧俗之請，赴阿喀靜慮洲（寺名）安居，為四方聚會僧俗講演多種法義。時孃（地名）惹種（寺名）有格西圓寂，彼所有資財囑其親屬供養大師，親眷如教供金沙百兩散銀無數。

次大師閉關造桑都圓滿次第記錄，因數數祈禱師長本尊求加持故感有瑞相，大師造隱語詩²⁰⁶以記之。

是年十二月初三夜²⁰⁷，大師悉見文殊師利菩薩十九尊之曼陀羅，時本尊文殊師利菩薩眾寶莊嚴手執瓶水謂大師云：「此瓶之水，是阿底峽尊者住聶塘吉水邊時，與慈尊彌勒菩

206 隱語詩：詩文隱昧。

207 一四〇九年；大師壽五十有三。

薩文殊師利菩薩決擇三身²⁰⁸二身²⁰⁹法義和合之水，從阿底峽尊者至今三百餘年未有所付，今當付汝。²¹⁰」云云。

初四夜大師見一寶座，布頓仁波卿坐寶座上，彼授桑都根本經教授，布頓仁波卿囑云：「汝當為此主。」大師念曰：「此經書後未全？」啟而視之完全無缺。次布頓仁波卿雙手捧經置大師頂上，口誦灌頂真言，復以手印加持三返。

208 三身：法身、報身、化身。

209 二身：法身、色身。

210 此中所言決擇三身二身法義之水者是方便說；實為阿底峽尊者三派（噶當三派）傳承法義，今授予大師者是究竟說。
噶當三派：一、噶當道次第派（教誡派），二、噶當教典派，三、噶當教授派（口訣派）。

初五日大師於羅札（地名）對瑪巴和合修法²¹¹獲得定解。

初六日大師通達瑪巴和合修法之傳授，實為桑都根本經及聖龍猛論師不共勝法之正義並獲決定。

初七日大師閱聖提婆論師攝行炬論生希有定解。

歲次庚寅大師壽五十有四²¹²，於二月初五日動錫具善尊勝洲（寺名）廣為開光事，並講演菩提道次第論、桑都月稱論師釋、桑都五種次第、大乘集論、瑜伽師地論、因明論。復

²¹¹ 瑪巴和合修法（基位三身修法），有二說：

一、睡與死有道用和合修法，夢與中有道用和合修法，醒與生有道用和合修法，是無上瑜伽修法。

二、死有為法身道用和合修法，中有為報身道用和合修法，生有為化身道用和合修法，是無上瑜伽修法。

212 一四一〇年。

造桑都四天女請問經及集智金剛經之廣釋。

歲次辛卯大師壽五十有五²¹³，於具善尊勝洲將桑都五種次第釋續造圓滿。

(20) 消災延壽

茲因大師五十七歲²¹⁴時當有災難，為預先遮止故，遂自辛卯年冬初²¹⁵大師與三十餘位高足弟子閉關修閻曼德迦法，午前修增益法，午後修息災法²¹⁶。

213 一四一一年。

214 一四一三年。

215 辛卯年冬初：一四一一年；時大師壽五十五。

216 息災法：即遮止法。

歲次壬辰大師壽五十有六²¹⁷，參加大師閉關的弟子加至四十餘人，仍未獲得遮止之相。大師於此期中，引生圓滿次第四喜四空功德²¹⁸。

是年秋間²¹⁹大師見未獲遮止之相，誠恐明年難免災事，遂謂徒眾云：「我恐不能數數講演，今欲略講密部要者，發願於未來。」徒眾殷重請曰：「今災難之期將至，惟願大師慈悲閉關專修，我等亦當勵力專修。」。

217 一四一二年；大師壽五十有六。

218 圓滿次第四喜四空功德：即密咒乘門無上瑜伽圓滿次第的修證功德。

四喜：喜、勝喜、離喜、俱生喜。

四空：空、善空、大空、一切空。

219 一四一二年；大師壽五十有六。

大師因眾人至誠祈請，遂自八月初七日與三十餘弟子共閉關專修，其餘徒眾亦各閉關助修。

是年十一月²²⁰大師恙難漸起，最重之時二十餘日未能安眠，大師雖恙重如是然修行未輟，因於不思議性樂空雙運三摩地得自在故，飲食等事未甚減少外似無患，大師僅云：「下身稍有不適。」故徒眾亦不知大師內身之苦。

是年臘月十三夜²²¹大師見有堅固瑞相，並告大眾云：「今須勵力修者，似已有善相。」時大阿闍黎達瑪仁勤仁波卿及全體僧俗一意為大師專修法義，臨年不止。諸人共讚

220 一四一二年；大師壽五十有六。

221 一四一二年；大師壽五十有六。

曰：「為師如是專修法義者，實空前所未有。」時諸僧俗皆惟恐大師不能住世感生失離依止之苦，故悉盡力培福供養三寶，祈祝大師恒常住世。

如是修行至歲次癸巳大師壽五十有七時²²²，遂選七位具足淨戒三昧耶修本尊法具量者，至大師室中共修。大師晝間修閻曼德迦法，夜間住樂空三摩地，專一防範外難。

總之於大師教法作逆緣者凡有四魔：一、大師數年前在阿迦曾降伏一魔，此魔已被安立於三昧耶。二、今於修行之時，又有一魔自投首請恕，誓不再留難，反護大師之法。三、又於一日師徒至誠專修法義時，大師於靜慮中見釋迦世

尊身黃金色放大光明威德難忍，結伏魔大印至虛空中，大師以誓願本尊迎請智慧本尊，即誓智尊無二間大師於諸災難得無所畏，遂見六臂大黑天及閻羅法王，以金剛索繫魔頸上牽至大師座前降伏之，與此同時聞外面非人呼言：「敗矣。」隨即十方散去，時諸徒眾亦皆共聞。四、次日六臂護法神又牽一魔至，亦如昨日者降伏之（四魔已盡）。

如是漸至歲次甲午六月初五日大師壽五十有八²²³清恙始痊癒，本尊文殊師利菩薩現身授記云：「今後汝當勤修生滿次第瑜伽，速能證得。弟子中有七位具善根者，亦當各有所證。」。

223 一四一四年。

(21) 再事宏修

是年²²⁴藏王名稱幢迎請大師赴聞（地名）札喜朵喀寺安居，為數百三藏法師廣轉中觀、因明、菩提道次第論、入菩薩行論。一切智根敦珠巴法王²²⁵亦於此處初謁大師。

歲次乙未大師壽五十有九²²⁶，住札喜朵喀寺時命妙音法王²²⁷建集米寺²²⁸。妙音法王云：「一切成就之首為如師教，僅當依教奉行。」是夜妙音法王夢中，見一大河，河側有無

224 一四一四年；大師壽五十有八。

225 一切智根敦珠巴法王：或譯僧成，即達賴喇嘛法王第一世法號。

226 一四一五年。

227 妙音法王：即大師上首弟子之一，號吉祥勝或吉祥德。

228 集米寺：又稱哲蚌寺（黃教三大寺之一）。

量眾生欲度不得，妙音法王深生悲愍遂縱身中流，身達彼岸宛如橋樑，眾生依之而度。寐已，妙音法王知此夢為建寺前相，定能饒益無邊有情。於乙未年妙音法王建集米寺時，大師親臨加持地基。

大師往札喜朵喀寺時，有一化現之塑師，於一日中塑大師聖像七尊，大師亦於一日剃髮七次，每一聖像中裝髮一份。此聖像至今現存札喜朵喀寺，是為大師聖像中最具有加持力者。

次大師還具善尊勝洲（寺名），決擇一切宗法，著桑都月稱論師釋疏及桑都決斷攝義科判²²⁹。自是以往宏演密法曾

229 今大師著述中第四函全、第五函半。

未間缺，時大師云：「修供養法²³⁰若於大殿中共行，諸未得灌頂者，佛遮不得看壇場，實屬不便，當別立專修密法殿堂。」。

是年²³¹夏季大師為專修密法興建廣嚴殿基，四方信施不可量計，鑄佛像所用赤銅初似難得，次由孃（地名）信施施銅無量足供所須。

是年²³²大師前著至道三要三種士夫之菩提道次第廣論文義廣深，少慧有情難以奉持，本尊文殊師利菩薩囑咐大師另

230 修供養法：即修密法。

231 一四一五年；大師壽五十有九。

232 一四一五年；大師壽五十有九。

造略本攝授下機，大師依教另造一論書名曰至道三要三種士夫之菩提道次第略論²³³。

歲次丙申大師壽六十²³⁴，廣嚴經堂竣工。

歲次丁酉三月大師壽六十有一²³⁵，遍請善巧技師建立聖像。於廣嚴殿中層起釋迦世尊像，較拉薩像稍大²³⁶；於大殿上層建立桑都三十二尊像、勝樂輪六十二尊像、金剛界大曼陀羅²³⁷像。

233 菩提道次第略論：即朗忍穹瓦。

234 一四一六年。

235 一四一七年。

236 此像為赤銅鍍金。

237 共三大曼陀羅，各依儀軌量度，以赤銅鍍金造為宮殿。

其中桑都三十二尊像及勝樂輪六十二尊像，各用生銀百兩；五方佛像及諸瑜伽母像亦用銀鑄；餘像為赤銅鍍金；金剛界正尊像用生銀稍不滿百兩；其餘十二尊像各用七十餘兩；更鑄鍍金之文殊師利菩薩像、無量壽佛像、慈尊彌勒菩薩像、閻曼德迦像各量高一箭²³⁸；又尊勝佛頂像及白傘佛頂像量各一肘；又塑閻曼德迦泥像²³⁹高十七搽手。更以種種珍寶而為嚴飾，實為空前之希有者。如是殿堂及諸聖像是歲粗工完竣，遂依閻曼德迦儀軌廣作開光事，復集無量僧俗廣作圓滿供養法會。

238 一箭：約二尺餘。

239 閻曼德迦泥像：即以綢緞香藥等和搗為泥。

歲次戊戌大師壽六十有二²⁴⁰，命大慈法王建色惹寺²⁴¹，是為藏地三大寺²⁴²成立。

是年²⁴³大師因四方僧俗並原有徒眾殷勤勸請，在具善寺廣轉顯密無量法輪。入中論廣釋亦於是歲造圓滿。歲末大師令刻桑都根本經及月稱論師釋。

240 一四一八年。

241 色惹寺；又稱色拉寺（黃教三大寺之一）。

242 藏地三大寺：一、具善寺（噶登寺）（格登寺）（具善尊勝洲），二、集米寺（哲蚌寺），三、色惹寺（色拉寺），是為黃教三大寺院。

243 一四一八年；大師壽六十有二。

歲次己亥大師壽六十有三²⁴⁴，桑都根本經及月稱論師釋極善刻竟。是年春夏二季宣演勝樂輪根本經顯密諸法，勝樂輪根本經釋造圓滿。

總之，大師日常行持及宏法利生事業，若非大地菩薩餘所不能。

三、化機圓滿示現涅槃之記

(1) 度最後有緣

歲次己亥秋大師壽六十有三²⁴⁵，於聖教有情廣作希有饒益事已，觀察化緣將盡，為度最後有緣²⁴⁶及結未來法緣，並作最後謁辭禮釋迦世尊聖像故，藉徒眾邀請前往朵壟，遂於具善寺先赴拉薩廣陳供養，並於釋迦世尊聖像前發淨願。到朵壟後為一切聚會有情宣說法義，並受彼處承事供養，使諸有情培植無盡善根及培修殊勝福業，時五彩霞光現於大師住

²⁴⁵ 一四一九年。

²⁴⁶ 為度最後有緣：謂如釋迦世尊臨涅槃時，度須跋陀羅梵志及乾闥婆王。

處。

大師在集米寺講經時，又有五彩霞光自空直立樹法場中宛如彩柱，亦有五色祥雲從空直下降於具善寺。

大師住集米寺為二千餘知識宣講菩提道次第論、拏熱六法、入中論、桑都根本經，受一切僧俗總供養。

大師昔關於教授法類多不傳授在家俗眾²⁴⁷，菩提道次第教授尤為禁止。今見特別殊勝因緣故²⁴⁸，無論僧俗多少先後到者，大師皆講授而不隱藏攝受一切會眾。時諸會眾莫不踴躍歡喜，如獲至寶。

²⁴⁷ 多不傳授在家俗眾：僅為講經。

²⁴⁸ 今見特別殊勝因緣故：為令結未來法緣。

時集米寺修密法殿建設圓滿請大師開光，時大地震動智慧聖眾入諸聖像，這些聖像成為末代眾生最勝福田。

又大師講經除時輪金剛教授外，諸餘經論悉無中間結座之規²⁴⁹。爾時大師講桑都根本經時忽向具善寺處遙望，講至第九品時大師結座云：「吾當速還具善寺。」時諸施主及聽法眾殷勤請曰：「祈慈悲更住使經圓滿；若果無暇，則僅誦不講懇請圓滿？」大師告云：「今須急返具善寺；講菩提道次第論及桑都根本經意樂，我昨日已結訖。」遂辭其所請²⁵⁰，再次返拉薩更禮釋迦世尊聖像，並供養發願。

²⁴⁹ 時輪金剛有時僅講數品之事，餘者必待圓滿方結座。

²⁵⁰ 經不圓座是結佛法久住法緣。

又大師受大慈法王釋迦智之請赴色惹寺。因藏地清淨密法久已隱沒，大師雖極大宏傳造就無數持法法將，然猶乏宏持密法根本基礎，大師因感而告於大慈法王，大慈法王依大師之教建立講聞密法清淨道場。大師又為結殊勝法緣故，師徒於彼處作長淨羯摩事，並講桑都根本經及勝樂根本經各一座。

爾時大師問諸弟子云：「有能授持此密法經續講軌者？」一問再問，久之無敢起而應者。時大師高足厥號慧師子²⁵¹者，起座頂禮並回答曰：「此事我當授教。」大師深生歡喜，謂傳法得人矣。隨將桑都金像並桑都根本經四部釋及

251 慧師子：即一切智根敦珠巴法王（第一世達賴喇嘛法王）之師長。

諸修法具授予慧師子仁波卿，又為授予授持講法之灌頂。爾後慧師子仁波卿所建密宗道場，即今藏地舉梅巴²⁵²之始。

次大師至大樂頂向札迦綜主云：「當於大樂頂，建立以戒律為基礎桑都密法道場。」爾時供施具足，札迦綜主亦深生信樂頂戴如教，並請大師預作開光事，大師亦云：「今若不為者，後亦無時矣。」。

又受札迦綜主之請，大師住於大樂頂之夕，眾皆聞橈椎聲甚響²⁵³，眾雖出觀之，然未知其所。

次大師由大樂頂返還具善寺，先往廣嚴殿謂眾云：「當

252 舉梅巴：即下密院。

253 眾皆聞橈椎聲甚響：即大師將入涅槃召集大眾之聲，決非人間橈椎之聲。

設供養，此處吾亦不能數來。」遂於釋迦世尊像及桑都曼陀羅前廣伸供養祈白發願。

次因施主所請大師赴廣嚴殿大殿受供，大師為令正法久住及現時究竟皆圓滿故，雖無請法者大師亦為眾廣說極樂願文。

總之大師自集米寺動錫乃至未抵具善寺時，為廣結未來法緣，任何處迎請凡無二次大師皆受其請。

(2) 示現寂滅

是年²⁵⁴大師歸具善寺住室坐定，大師云：「所作已辦，

254 一四一九年；大師壽六十有三。

於心安矣。」是日中夜，大師稍示現病相。

次日一切僧俗為請大師住世而誦經，下午大師僅示現一切身分稍覺疼痛，夜時復示現不明了之相。

次日大師囑寶幢仁波卿云：「汝當與上師迦舉巴²⁵⁵善住持此寺。」云云。

次日大阿闍黎達瑪仁勤仁波卿及大阿闍黎持律名稱幢仁波卿於大師前，大阿闍黎達瑪仁勤仁波卿向大師請云：「願大師悲愍我等，賜所教授。」茲因大師住持教法語前已囑訖，故未重囑。遂手取其帽擲大阿闍黎達瑪仁勤仁波卿懷

²⁵⁵ 迦舉巴：即授持十部經論者，指大阿闍黎達瑪仁勤仁波卿。大阿闍黎達瑪仁勤仁波卿初以十部立宗，故得此名。

中，又授一衣²⁵⁶。大師曰：「當了知此義，好修菩提心！」此是大師最後教授。大師於示現重恙時，仍每日修四座瑜伽曾未間缺。

次於二十四日後夜，大師廣修薄伽梵勝樂輪金剛內供養法²⁵⁷，爾時復有種種希有境界。

次於二十五日日光出時，大師遂入三空²⁵⁸次第攝入一切空、現證光明法身、真勝義諦、三界法王、人天導師，遂示寂涅槃，嗚呼慟哉！²⁵⁹

256 又授一衣：即傳法王灌頂。

257 內供養法：內在成就供養法。

258 三空：空、善空、大空。

259 一四一九年；大師壽六十有三示寂於具善寺（噶登寺）（格登寺）（具善尊勝洲）。

大師在示病時身相稍現瘦弱，至粗息內攝已身相忽然圓滿，一切身分成光明體宛如十二歲童子相。其身相光明，則有人見為紅黃色者，亦有人見為黃白色者，復有人見為黃金色者。亦如文殊師利童子，外隱珍寶之服，內住等持之慧。

大師圓寂住樂空三昧已，虛空澄淨離諸塵雲，經四十九日亦無微風飄揚。僧俗供諸酥燈遍諸庭院，一切燈光無有傾動息滅事。又於夜半靜時空中時有微妙天樂，日間亦有聞者。又於爾時諸天散花，其花色白如固目答花，光璨如真珠自空降時宛如月墜。復有青黃赤各種色者，量如大人掌許紛飛如雨。又有純白霞光直豎如幡幢，寺之左右及前方皆有五色霞光遍一切處。

大師圓寂後，徒眾數百皆入大曼陀羅，以內外秘密三種

供養²⁶⁰至誠供養大師，並發廣大願：「願一切生值遇大師，慧眼觀照慈悲攝授，授甘露法依教修行，速疾證得金剛聖位。」又復於前後藏中一切僧眾道場，放茶施供廣培勝福。

時諸徒眾忽失依怙，憂惱纏縛痛哭難裁，爾時克主傑仁波卿謂眾云：「近來諸出家眾，若遇親教阿闍黎圓寂時，遂即廢捨聞思修一切善行，留髮過量變服喪服，收檢佛殿中幡帳諸供養具同於俗人。然今我等應順大師本意，當念諸行其相皆爾²⁶¹，於可厭患相而作意²⁶²，遠捨世俗規則，仍當精進

²⁶⁰ 以內外秘密三種供養：即內在成就供養、外在成就供養、秘密成就供養。

²⁶¹ 當念諸行其相皆爾：即諸法皆無常相。

²⁶² 於可厭患相而作意：即作意思惟：「積聚皆消散，崇高必墮落，合會終別離，有命咸歸死。」無常之事人人具之，當深生怖畏厭患，一意欣求出離。

教證二種法輪，圓滿大師之心志²⁶³。」。

(3) 賈曹傑繼承法位

大師在世時，已為大阿闍黎達瑪仁勤仁波卿灌法王頂令住持大師教軌。今又由大阿闍黎持律名稱幢仁波卿諸上首弟子重複殷勤勸請，大阿闍黎達瑪仁勤仁波卿方繼紹大師法王寶座，為一切有情作大依怙住持聖教，猶如轉輪聖王。

又大師在世時曾令緞師鑄銀身毘盧遮那佛²⁶⁴像，今乃造

263 圓滿大師之心志：即大師意在勉眾修行。克主傑仁波卿具正法眼及知佛法扼要，慈誨後學脫離愚法。今漢地僧眾似亦深染此惡習。住持正法諸上人者，願有所取捨。

264 毘盧遮那佛：即胎藏大日如來。

竟廣為開光事，眾多不知大師立此銀像用意，克主傑仁波卿謂眾云：「大師前立三大曼陀羅密意，是見無上瑜伽續部及瑜伽續部教法衰微至極，大師欲藉此因緣或稍能增長密法教法。但現下若不宏揚此事續部及行續部²⁶⁵，亦恐隱沒而無存，故亦必須宏傳此二部，此即大師本意。」。

(4) 供養遺身

對於大師遺身，有主張火化者，有欲保留肉身者，諸上首弟子咸認為保留肉身於住持聖教饒益有情有大利益；並且大師前在其壟（地名）時，本尊文殊師利菩薩亦曾授記令留肉

265 事續部及行續部：即密續四續部之二，亦即胎藏部。

身，遂以留肉身為當理。

為欲建塔安置大師肉身故，一切信施供養生銀九百餘兩造立銀塔，復以無量寶石莊嚴銀塔，安置大師肉身於銀塔內，用法衣善覆面向東北²⁶⁶。止公（地名及寺名）處之信施復為大師建立鍍金釋迦世尊佛像，較大昭寺佛像量高一肘，並新修殿堂安置聖像。

歲次庚子年中²⁶⁷乃至開光一切事宜悉皆圓滿，當請大師肉身往新殿時，空中霞光追覆，天雨寶花充滿。

復於十月中，具善寺諸金剛阿闍黎與數百僧俗修桑都金

²⁶⁶ 用法衣善覆面向東北：即教法傳佈漢地處之相。

²⁶⁷ 一四二〇年。

剛、閻曼德迦金剛、勝樂金剛、歡喜金剛、時輪金剛、大輪金剛²⁶⁸、無量壽金剛及遍知金剛²⁶⁹多種密法，廣行供養。修之初後二日俱降天花色如真珠，花分六瓣具足花梗。

十月二十五日正為大師紀念節日²⁷⁰，復雨天花形大如掌，花亦六出遍地如雪，其中亦有紅黃藍金諸餘色者²⁷¹。即於是日，內鄔藏官大臣虛空賢叔侄迎請大慈法王至惹喀札與無量僧俗廣修紀念供養祈請發願，亦降天花雨瑞相。

自是以往乃至現下藏地、蒙古、五台山等地，不分宗派

268 大輪金剛：即金剛手法。

269 遍知金剛：即金剛界大日如來。

270 十月二十五日正為大師紀念節日：即大師圓寂於十月二十五日。

271 白者最多。

緇素，皆於每年十月二十五日燃酥燈供養為大師紀念節²⁷²，此亦大師慈悲事業所致。

(5) 再現化身

如是大師化緣已盡，示現證得光明法身²⁷³，中有初起幻體時成就圓滿受用身²⁷⁴，盡虛空界隨緣教化²⁷⁵，實非淺智所能測。今但就吾人耳目所及者，如大師為克主傑仁波卿五次

272 燃酥燈供養為大師紀念節：即圓根燈會，康地等處初因燈盞不敷用，遂刻圓根（蔓菁）豎柱灌酥以補不足，康地漢人呼為圓根燈會。

273 證得光明法身：即圓滿法身。

274 中有初起幻體時成就圓滿受用身：即圓滿報身。

275 盡虛空界隨緣教化：即圓滿化身。

現身事迹，今略錄少分以培植自他信根。

一、一次克主傑仁波卿在噶登寺為大眾講經時，見諸有情馳逐惡法不肯至誠學習釋迦世尊聖教，或有初發心者自乏擇法眼目，復微薄福德隨逐惡友親惡知識，雖有好心徒招苦果。克主傑仁波卿觀察後不勝悲感，回室後自心念：「此諸有情宿無福德，致使今生不逢具德大善知識為所依止而生顛倒妄執，諸有為法皆現無常相而妄起常執，諸法本性示現空相而反計實有執，一切資財現無真實相而反勵力拚命追求，現世名節現谷響相而反執為究竟所當得之果。總之即我今者將大師顯密二教一切善說及金剛持秘密扼要之處，全無微少錯誤復晝夜勵力宣說，然因彼等不具夙根不能領授甘露妙味，反更親近極愚至鈍少學無知迷於取捨等同痴類諸惡

知識，聽聞種種自讚毀他虛妄綺飾王賊街衢邪命語，所有行為等同邪類。又復觀察此諸有情不念無常，而為現世利養恭敬所迷亂，轉趨邪道永沉輪迴。悲夫！」起是念時心生厭離淚如雨下，遂陳妙供祈禱於大師前。爾時見大師乘六牙智象白如雪山，以純金網嚴覆象身，鞍韉復以無量金鈴莊嚴，自空而至，大師慰云：「兒心莫憂惱，憶念師長者能淨往昔所造極重惡業，復能集聚福慧資糧，汝與瑜伽自在彌拉²⁷⁶憶念師長事相同。我師徒事業根本善妙，今後更當精進廣宏我之教法。」云云。

二、復於一時，克主傑仁波卿對於顯密二教廣深扼要難
276 瑜伽自在彌拉：即藏地一位即身成佛祖師，彼昔曾憶師恩涕泣而歌，其師長現身安慰，與今克主傑仁波卿事相同。

處生疑莫解，忽憶大師，克主傑仁波卿念：「我恩師若住世者，今當請問。然今恩師不住，又無究竟能決斷根據，惟願我恩師住世，我恩師今住何處？」如是愈念愈悲，遂獻上妙供養涕泣祈禱。爾時大師坐於無量摩尼寶珠嚴飾純金座上，有多天子擎持而至，為克主傑仁波卿廣釋諸疑，復示種種教授教誡而去。

三、復於一時，克主傑仁波卿閱讀大師顯密兩部道次第一切著述，見大師善說總明一切顯密經續要義，並特明隨一補特伽羅直至成佛必行道軌，首自依止善知識起，終至圓滿次第證金剛持，於其中間一切道次無不圓滿具足，克主傑仁波卿念：「非我師長文殊師利菩薩化現而來者，雖印度藏地一切大善知識，亦不能作如是善說。」隨念大師功德恩

澤，淚泣濕衣殷重祈禱。爾時大師身黃金色，右執利劍左擎梵篋，現童子像眾寶嚴飾²⁷⁷，乘潔白獅子而至，大師誨云：「我兒勿哭，我今特來為汝說法。汝當知於五濁惡世中有種種種性有情，特於此時不念無常過患及三惡趣苦，專意貪求名利恭敬衣食臥具凡庸事業。下至能念『今世作此等事，來生當感何果』者，亦極稀矣。」大師又復告云：「若有人閱我顯密教授懺罪集資，及超越一切經論難處要義能起決定信心，專心依法義調伏續流者，其得佛位如在掌握。汝特當顯揚我密乘善說，則後世不久速當相會。」云云。

四、復於一時，克主傑仁波卿追念大師恩德：「我恩師

277 現童子像眾寶嚴飾：即等同文殊師利菩薩相。

今在何處？我何時而能朝見我恩師？」涕泣傷感毛骨戰豎，克主傑仁波卿至誠祈白云：「尊貴上師宗喀巴願當悲愍護念我，亦當觀照此諸僮僕有情，今恩師聖教亦同空中閃電及乾闥婆城速當隱滅，何日能到我恩師足前？」爾時大師乘猛虎而至，身赤紅色目大鼻隆作金剛瑜伽師相，右手執利劍揚舉虛空火焰熾然，左手當胸持人腦蓋骨滿中甘露，髮色朱赤青網纏結，用人骨莊嚴其身面容大笑，有八十位大成就者前後圍繞，大師慰曰：「兒不須過傷，我除汝外更無所想，汝亦除我而復思誰？我放棄汝何處亦不去，若念我者，此顯密二部道次第為首及餘一切善說皆是我遺教，可詳閱此教法。總之現下有情福德微薄煩惱粗猛聖教亦至結歸時，汝今亦當發願來此空行世界。」。

五、次於一時，克主傑仁波卿念：「今當供養恩師請其來此，應當請問恩師住處，並有餘事請問決疑。」遂陳上妙供養並純金曼陀羅，克主傑仁波卿至誠呼云：「慈父三世諸佛，無依眾生惟一皈依處，極尊文殊師利菩薩無能等者。」云云。爾時大師坐白雲中仍作生前相，大師至前慰曰：「兒今當預備速來，我當遣人迎引汝。」克主傑仁波卿又白云：「尊貴恩師現住何處？我亦願往彼處。」大師告曰：「我之化身有在空行世界，有在睹史陀天及瞻部洲處甚眾，然今五台山有一千八百金剛苾芻²⁷⁸，上午宣演中觀論及菩提道次第論顯教教授，下午講釋桑都根本經、閻曼德迦根本經、勝樂

278 金剛苾芻：即修密法出家苾芻。

根本經密咒教授，汝亦當發願往彼，不久即當相會。」云云。²⁷⁹

再者大師前往歡喜頂（地名）²⁸⁰時，本尊文殊師利菩薩授記云：「汝於其壟（地名）講經時當脫一齒，可授予克主傑仁波卿，使其遍一切會眾。」云云。後大師住其壟修行時，四部密乘諸尊及三十五佛現身加持。次克主傑仁波卿白大師云：「昨夜夢見上師為授記，今請慈悲講演四部密法總義之金剛持道次第。」大師曰：「善。」遂授諸廣深法要。

一日正當日光增盛，大師在法座上講經時，口中忽放大

²⁷⁹ 餘文尚繁難以盡錄，即依此五次現身大師本迹亦可知。

²⁸⁰ 歡喜頂：譯為喜面；或譯歡喜首；或譯迦瓦棟。

光明遍照虛空，會眾悉見，亦有人見為霞光者，惟大阿闍黎達瑪仁勤仁波卿、大阿闍黎持律名稱幢仁波卿及克主傑仁波卿見大師脫落一齒。時大師云：「住妙高前如金山，施予無倫善妙²⁸¹汝²⁸²。」遂將其齒受予克主傑仁波卿。時大阿闍黎達瑪仁勤仁波卿及大阿闍黎持律名稱幢仁波卿白曰：「何不見惠我等？」大師謂云：「非不與汝等，但因克主傑仁波卿具有得此齒宿根，並為本尊文殊師利菩薩所記莚，汝等可於七日中殷勤祈禱，當有所得。」。

克主傑仁波卿亦捧齒歸室中殷勤祈禱，過七日已，大師

281 善妙：即善妙吉祥賢，亦是克主傑仁波卿之名。

282 住妙高前如金山，施予無倫善妙汝：謂克主傑仁波卿處於大師之側，宛如七金山住於須彌山之前，更無餘山能超其上。

命克主傑仁波卿取齒來設諸盛供，然後開包而視之，其齒成文殊師利菩薩聖像，聖像遍體舍利密布。大師遂取頂上舍利如白螺貝者，受予勇猛金剛仁波卿；額上舍利如水晶者，受予大阿闍黎達瑪仁勤仁波卿；喉間舍利如金色者，受予毘尼耶尸羅仁波卿；心間舍利如吠琉璃色者，受予大阿闍黎持律名稱幢仁波卿。總之從文殊師利菩薩聖像舍利身，分取舍利一千零二顆遍施爾時一切會眾，自是以後舍利增長乃至現在有緣者得不甚難。²⁸³

四、大師傳承弟子之記

(1) 名聞傳承弟子

大師弟子，總無數量，誰能盡述？今於普通共知共聞中，略錄其名高望重者如下：

與大師互為師徒四者：謂極尊仁達瓦童子慧仁波卿、論師中觀師精進師子仁波卿、羅札（地名）虛空幢仁波卿、扎廓（地名）法依賢仁波卿。

大師未捨事專修前四弟子者：謂語自在稱論師、名稱慧論師、智吉祥論師、善知識霞頓論師。

大師捨事專修時八清淨弟子者：謂師利跋陀羅論師、菩提僧訶論師、寶幢論師、賢護論師、妙吉祥海論師、妙德吉

祥論師、慧稱論師、勝護論師。

二長子者：謂大阿闍黎達瑪仁勤仁波卿、大阿闍黎止公巴²⁸⁴持律名稱幢仁波卿。

惟一心內愛子²⁸⁵者：謂克主傑善妙吉祥賢仁波卿。

事業量等虛空四大弟子者：謂妙音吉祥德法王、無等谷

汝幢賢法王、極尊慧師子法王、一切智根敦珠巴法王。

衛²⁸⁶藏²⁸⁷十位聖教燈者：謂桑樸法王寶戒論師、孃廓寶

思成論師、智自在名稱賢論師、桑樸（地名及寺名）賈王喀伽

284 止公巴：俗居止公。

285 惟一心內愛子：謂如大師之心。

286 衛：即前藏。

287 藏：即後藏。

論師、孃（地名）慧幢論師、胡虛空吉祥論師、法王慧法護論師、跋梭法幢²⁸⁸論師、法王吉祥師子論師、那塘（地名及寺名）尊勝²⁸⁹論師。

任運利他六菩薩者：謂惹珍（地名及寺名）釋迦福菩薩、慶喜賢菩薩、得摩塘巴慧幢菩薩、戒吉祥賢菩薩、童子勝上菩薩、幢名稱賢菩薩。

二位帝師²⁹⁰者：謂大慈法王釋迦智論師、降達瑪論師。
二廣大多聞弟子者：謂虛空勝論師、虛空吉祥論師。
二位授持頭陀功德者：謂雅爐（地名）瓦吉祥海論師、雅

288 跋梭法幢：即克主傑仁波卿之弟。

289 尊勝：謂極勝、極上。

290 帝師：即國師。

爐瓦善幢²⁹¹論師。

觀慧殊勝二位大善巧者：謂慧寶師子論師、法自在稱論師。

於四方增廣聖教六大幢幡者：謂上慧賢論師、下慧賢²⁹²論師、古格語自在名稱幢論師、師子吉祥慧論師、功德吉祥論師。

二位譯經三藏法師者：謂童子吉祥²⁹³論師、達壘羅拶瓦論師。

291 善幢：或譯妙幢。

292 上指藏地之西方，下指藏地之東方。

293 童子吉祥：又名意賢頂。

六位地主法王者²⁹⁴：謂吉祥賢仁波卿、福賢仁波卿、菩提金剛仁波卿、福幢仁波卿、止公義成王仁波卿、達壘吉祥德光仁波卿。

八授持無量經論者：謂慧生寶思成論師²⁹⁵、降靈巴名稱賢論師、哦日巴福寶論師、妙音寶幢論師、谷格瓦佛幢論師、妙音寶稱論師、佛子樂生論師。

朵絨四善巧者：謂光明論師、善賢論師、福慧論師、傑拏論師。

二位紹繼修行者：謂菩提吉祥論師、寶吉祥論師。

294 六位地主法王者：係王子出家者。

295 慧生寶思成論師：與前者非一。

二希有士夫者：謂勝士無量願論師、永不下山幅寶論師。

八懂哦²⁹⁶者：謂懂哦慶喜慧論師、懂哦童子光論師、懂哦慧幢論師、懂哦吉祥賢論師、懂哦虛空幢論師、懂哦任運福論師、懂哦寶幢論師、懂哦寶增論師。

寶座端嚴四大師者：謂公塘巴法王端嚴吉祥論師、釋迦幢論師、吉祥義成論師、法王吉祥論師。

四護眾住持者：謂覺摩壟住持法勝吉祥賢論師、帕摩主巴住持勝賢論師、住持慶喜金剛論師、懂耶住持菩提吉祥論師。

296 懂哦：譯座前，亦譯目前；是尊稱。

五大者：謂大名稱賢論師、大光明師子論師、大慧增論師、大吉祥幢論師、大慶喜幢論師。

二灌頂其廓瓦者：謂特其廓瓦毘賴耶吉祥論師、止公其廓瓦吉祥寶論師。

樹立講聞四阿闍黎者：謂精進稱阿闍黎、具善阿闍黎、達雷菩提幢阿闍黎、菩提吉祥阿闍黎。

四位宣說正理迦舉巴者：謂瑪跋陀羅跋色迦舉巴、左撈迦舉巴、德幢爐瓦迦舉巴、善吉祥幢迦舉巴。

授持文義十位迦舉巴²⁹⁷者：謂不空迦舉巴、寶祥迦舉巴、寶法勝迦舉巴、佛自在迦舉巴、佛賢迦舉巴、福賢迦舉

297 迦舉巴：即授持十部論者。

巴、卓薩迦舉巴、粗樸迦舉巴、法師子迦舉巴、名稱幢迦舉巴。

四位嚴持禁戒者：謂月慧論師、運福論師、善寶論師、公薄（地名）覺敦論師。

六位淨戒上座者：謂法賢上座、僧王上座、光明上座、童子佛上座、慶喜億上座。²⁹⁸

捨棄現世²⁹⁹五位有證德者：謂古覺上師佛吉祥賢³⁰⁰論師、具證曩喀穴惹論師、法王名稱生論師、具證惹色巴論師、虛空幢論師。

298 此處印脫一名，原稿已失，暫無法查對。

299 捨棄現世：即捨現世八法。

300 古覺上師佛吉祥賢：又號無量光金剛。

尚有名稱海論師、賢慧稱論師、童子祥論師、思勝論師、上師金仙論師、漾頂論師、靜慧溫薄論師、種巴虛空論師、上師覺依論師、上師福寶論師、種巴法上論師、上師釋迦寶論師、上師月賢論師、上師法幢論師、賈惹佛智論師、持律慧密論師、聖光德海論師、福勝成就論師、寶吉祥賢論師、名稱吉祥論師、上師普賢寶論師、上師福自在論師、妙音金剛寶論師、賈瑪慶喜慧論師、法王幢稱賢論師、寶賢論師、慧賢論師，諸勝上人皆大師入室弟子。

(2) 正法傳承弟子

如是諸勝士夫悉是乘願再來宏揚大師正法者，各有別傳難盡一一。其中最要不容不述者，略錄如次：

一、賈曹傑大阿闍黎達瑪仁勤仁波卿者，大師臨圓寂時受予衣帽繼紹大師法王位³⁰¹。其依戒律為根本，兼宏揚集論、俱舍、因明、帕勤、入中論³⁰²。總凡大師一切顯密善說盡力宣揚凡三十載，故新舊一切徒眾皆奉與大師無異。

二、克主傑仁波卿³⁰³於大師圓寂後，遂赴後藏宏揚大師遺教，次為大阿闍黎達瑪仁勤仁波卿迎歸傳與法王位，等同大阿闍黎達瑪仁勤仁波卿而無異。持依大師教言，不爭餘人

301 大師臨圓寂時受予衣帽繼紹大師法王位：前文已廣述。

302 著述五函。

303 克主傑仁波卿者，自幼時即辯勝黠慧上師尊勝。尊勝智辯無敵，然敗於克主傑仁波卿，故自他各宗無敢與克主傑仁波卿對辯之敵者。能使大師正法義理光顯如日離諸雲翳者，皆當歸功於克主傑仁波卿，西至哦日東至康地，各處皆殷誠迎請。在位八年住持大師正法饒益無邊有情。

語釋，非但摧伏外難，即大師弟子眾中稍有不符大師教義者，無不盡力破斥，克主傑仁波卿威德實非餘人可比。

三、克主傑仁波卿之後為雅爐瓦善幢法王，次為慧法護法王續位。此二法王總善一切密部，尤精時輪金剛教授。克主傑仁波卿造時輪金剛廣釋未完成而逝世，此二法王續成。

次法幢³⁰⁴法王，從克主傑仁波卿及妙吉祥海仁波卿二師授完整全部密傳，遂為此法之主³⁰⁵。

次法幢法王將此密法僅傳三位具足法器弟子，謂大成就

304 法幢：即克主傑仁波卿之弟。

305 遂為此法之主：即至尊宗喀巴大師有一部密傳之法，內載本尊文殊師利菩薩親傳密法，此法傳承克主傑仁波卿得其少分，妙吉祥海仁波卿得完整全部傳承，更未輕傳第三人。

法金剛、朵壟巴吉祥金剛、康巴寶金剛³⁰⁶，時人稱為金剛三昆仲。彼三人悉獲上品成就，證得不死金剛身。大成就法金剛住於覺摩囉日（山名）蓮華窟中，朵壟巴吉祥金剛住於止賈扎（崖名）金剛積無量宮，康巴寶金剛住於盆孟（地名）覺薄樸阿蘭若處。此金剛三昆仲於無善根者悉隱身而不見，於具法器者則現身而授法。

其朵壟巴吉祥金剛亦住於集米寺善增阿蘭若，第三世達賴喇嘛法王福海從朵壟巴吉祥金剛授勝樂輪金剛灌頂。大成就法金剛者將顯經密續密意教授，具受予賢慧義成³⁰⁷仁波

³⁰⁶ 康巴寶金剛：又名金剛吉祥；亦號智金剛。

³⁰⁷ 賢慧義成：即克主傑仁波卿所轉世，班禪喇嘛法王第一世之法號。

卿，次受予佛智仁波卿，次受賢慧法幢³⁰⁸仁波卿。至賢慧法幢仁波卿密法方得有開顯。賢慧法幢仁波卿著有時輪二種次第。³⁰⁹

次為堅慧仁波卿紹法王位，此師著有帕勤釋，創達薄扎倉於達薄³¹⁰，是彼處宏大師聖教之始。

次為願吉祥法王續位，輾轉至今數十代（以上三為噶登寺傳承）。

308 賢慧法幢：即賢慧義成轉生，亦有謂此世班禪喇嘛法王之稱號。

309 以上是密傳略錄。

310 達薄：在拉薩南方。

四、妙音法王者³¹¹，大師親為授記使建集米寺³¹²，並受予自寂滅山開伏藏所得法螺。

妙音法王後，吉祥師子法王繼位。吉祥師子法王曾見昔時得大成就之霞瓦日巴仁波卿現身授予修摩訶哥囉教授。

次為寶菩提法王、賢慧日法王、賢慧稱法王、釋迦幢法

³¹¹ 妙音法王者，依大師命遂創集米寺（哲蚌寺），由內鄔為施主。妙音法王總持力殊勝，如大般若波羅密多經、大寶積經、大方廣佛華嚴經，各作一部筆記，能授持一百八部經論於心中，凡欲講演皆不須經本，是大師弟子中授持經論最為第一者。所講帕勤、因明、中觀，皆以大師所傳者為依據。其門徒弟子如大地竹葦秋夜星宿。妙音法王復命七位高足為大眾講授，各各宣揚正法，遂成「多門、明慧洲、樂廣、霞廓、聞思洲、調伏、密咒」七大院。後時變遷合而成四「多門、明慧洲、樂廣、密咒」。

³¹² 集米寺：又稱哲蚌寺；世傳云此寺有七千七百眾，現時實有萬餘眾。

王、願吉祥法王、妙音善法圓滿法王³¹³。

次依序為僧海法王³¹⁴、福稱法王、功德海法王紹位。福稱法王³¹⁵復登具善寺法王位。

接下來則為福海法王³¹⁶、功德海法王³¹⁷、賢慧法幢班禪

313 妙音善法圓滿法王：謂能見本尊文殊師利菩薩現身，本尊文殊師利菩薩讚云：「若有汝慧者，實為可喜極。」因此故皆稱此師號妙音歡喜慧法王。妙音善法圓滿法王住持正法甚久，著有大乘莊嚴經論、現觀莊嚴論、中觀論、入中論、因明釋，一切智僧海法王皆出其門下。

314 僧海法王：即達賴喇嘛法王二世之法號。

315 福稱法王：即第三世達賴喇嘛法王之親教師，事業廣大難匹，著有帕勤、戒律、中觀、俱舍、因明釋，乃至今時為明慧洲所依據，更著有桑都二種次第諸密典，亦為今世所珍寶。

316 福海法王：即達賴喇嘛法王三世之法號。

317 功德海法王：即達賴喇嘛法王第四世之法號。

喇嘛法王、第五世達賴喇嘛法王續位，此後隨成達賴喇嘛法王³¹⁸所獨有（此為集米寺傳承）。³¹⁹

五、大慈法王者，最初代替大師赴永樂皇帝之請，次回藏地建色惹大乘洲（寺名）³²⁰，後復至漢地為永樂、宣德兩代國師。現今蒙古五台山等處黃教派，皆以大慈法王為鼻祖。

大慈法王赴漢地時，傳位於迦舉巴達傑跋陀羅論師，次

318 達賴喇嘛法王：至今凡十四世，代代為法王，整理僧伽制度。

319 集米寺（哲蚌寺）住持總傳承如上說，各院別傳承尚繁。其多門院講經依據，初為法生所著者，後時有大善知識妙音笑金剛，本諱語自在精進出興於世，總達一切顯密諸法，尤善五部要論而無滯，其著述諸釋非僅為多門所依，實為蒙藏一切講場所據。

320 色惹大乘洲：世傳寺僧有五千五百人。

傳古如幢賢論師。³²¹

後依序傳於雅爐瓦饒降巴法王、慧寶師子法王、第二世達賴喇嘛法王僧海、極尊法幢³²²法王。再傳福稱法王、法稱賢法王、第三世達賴喇嘛法王福海。寺初有五院，後合而成三（此為色惹寺傳承）。

六、根敦珠巴法王者，初隨慧師子法王往後藏宏法，次依上師本尊記剝建紮喜倫薄寺³²³宏揚大師教法，與前藏三大寺相等。此師著述及門徒亦眾（不錄），住持二十八年。

³²¹ 此二師知見稍異，為克主傑仁波卿所訶責。

³²² 極尊法幢：此師著述甚富為色惹院依據，此師與吉祥圓滿論師事迹相同，尚繁未錄。

³²³ 紮喜倫薄寺：又云紮什倫布寺，譯為吉祥妙高寺。

次根敦珠巴法王傳位於大善巧賢吉祥法王、教理海法王、智頂賢法王、僧海法王、聖教日法王、慧幢法王、不空海法王、慧善賢法王。爾時以慧善賢法王著述為依據，傳內甯法幢響法吉祥海法王及賢慧法幢班禪喇嘛法王，此後即成班禪喇嘛法王所獨有。其寺初分三院，至班禪喇嘛法王時增一密咒院（此為紮喜倫薄寺傳承）。

依上述四大寺³²⁴為根本，黃教寺院漸次繁盛，餘派寺院亦多轉依而修持黃教。大師教法流遍蒙藏映蔽餘宗如日光奪螢火，或信或嫉其類非一，故讚謗聲至今尚有間雜而聞³²⁵。

324 四大寺：一、噶登寺（具善寺）（格登寺）（具善尊勝洲），二、集米寺（哲蚌寺），三、色惹寺（色拉寺），四、紮喜倫薄寺。

325 然皆係暗謗，非有光明正理可言。

另大師高足上慧賢³²⁶阿闍黎，初返哦日於莽孟建達摩寺³²⁷，其弟建敕色寺，並於桑迦寺及昔大譯師寶賢之金殿寺、止敦寺、羅冬寺諸舊寺中，與樹大師教法，乃至現下猶盛行而未減。時值處官長，皆禮上慧賢³²⁸阿闍黎為師。

次有克主傑仁波卿之弟子桑樸瓦號天王慧論師者，修整原有北圖寺，並新建八加、立格兩寺，自此以後寺院或有新建或為舊改，大師聖教遂漸遍於哦日之境。

又下慧賢阿闍黎者，原來住於色惹大乘洲（寺名）。當達傑跋陀羅仁波卿住位時為色惹大乘洲講授阿闍黎，時無量海

326 上慧賢：待東方之慧賢。

327 達摩寺：譯為虎寺。

328 西至哦日東達康地，最初宏揚大師法者為上下二慧賢。

眾皆依大師教規持戒精嚴講修並進，人天福田僧俗歸仰。下慧賢阿闍黎於一日感而念：「後回鄉里康地時，亦當依淨戒律儀與大師法派見行，建樹大師教法利益安樂無邊有情。」時有一切智號菩提億論師者，以通力照知，遂請下慧賢阿闍黎至其室，奉以上妙供養並羶羶一匹黃帽一頂，一切智菩提億論師告云：「因汝速將回康，康地正法汝當勉力宏持。」下慧賢阿闍黎念曰：「我並無返康之語，何故如是見教，豈我不應住此，無論如何我當請白賈曹傑仁波卿³²⁹或當見留。」遂往具善寺朝見賈曹傑大阿闍黎達瑪仁勤仁波卿啟白上事。賈曹傑大阿闍黎達瑪仁勤仁波卿非但不留，並安慰

329 賈曹傑仁波卿：即大阿闍黎達瑪仁勤仁波卿。

而授記曰：「今回康甚善，有山名曰窩，於彼附近有汝所化機，事業亦能宏廣。」並賜禮物而遣。下慧賢阿闍黎次返昌都（地名）建寺曰慈氏洲，集三千餘眾饒益無邊有情，至是方知一切智菩提億論師實有神通。

次為聖天論師住位，遂以彼轉生為寺主，聖天論師徒眾多出宏法良材，改舊建新道場叢起，大師遺教遂遍覆康地而無餘。

七、阿多³³⁰宏法漸次者，初為義成寶法王於妙翅鳥崖建寺，再於大師誕生之地建塔，以彼近聚落故任運住止無數僧俗。

330 阿多：即西寧附近，大師誕生之境內。

後第三世達賴喇嘛法王福海，因受蒙古王邀請經過彼處時，命光海仁波卿建藏滾扎倉，傳數世遂興講經院，後更立密法院、醫方明院，遂成四院。

第四世達賴喇嘛法王功德海，遣佛子不空海論師往阿多境內建寺，佛子不空海論師奉教，創寺曰慈氏洲，立講經院，是此寺宏傳顯教之始。後時妙音笑金剛，立密教院。由此阿多境內顯密並進。其章嘉胡圖克圖法王、土官胡圖克圖法王清朝國師，皆為此寺人才。寺之第十代住持號義成海者，建大叢林曰都史多正法洲（寺名），寺分四院人才海涌，下院亦甚繁盛。

其難為倫匹之大善知識妙音笑金剛者³³¹，於羅舉地界建

331 妙音笑金剛者：諱語自在精進。

大道場曰札喜期（寺名）³³²，內分聞思修四院。次傳位於高足語自在吉祥法王，後仍歸付於妙音笑金剛第二代轉世妙音法王寶無畏帝。

自是已往代代以妙音笑金剛歷代轉世為寺主，寺出將才倍於他寺，子寺下院亦勝一切。今於阿多境內宏法事業講教修行，實無餘寺可與並比（此為阿多境內傳承）。³³³

(3) 密法傳承弟子

大師遺法總錄如前，密法宏傳特重述之。

332 札喜期：譯吉祥旋。

333 阿多寺院之盛不下於拉薩，如赴阿多學法近而且便，實與藏地三大寺無異。其札喜期寺經版俱全，更有許多大德之著述，為學藏法者所必不可少。

無比法王慧師子者，心中生起真實性，堅獲生滿次第三摩地德，更得本尊加持護法辦其事業，授持大師桑都根本經、勝樂根本經密法教授而無餘。其他弟子所未得者，法王慧獅子亦皆有之，為大師弟子中宏揚密法事業最為第一者。

慧師子法王前在色惹寺授大師講授密法之灌頂，大師又受予桑都根本經月稱論師釋諸論，更受予開伏藏法獲得閻羅法王面具棒杖繩索。大師曾告云：「汝無須怖，我已將法囑與閻羅法王³³⁴，汝可往後藏於如鈴覆山上，有閻曼德迦瑜伽者，彼能增廣汝教法；於如羅義仰臥山上，有藥叉女者，其

334 閻羅法王：即大師之護法。

亦當增長汝教法；其後者汝亦能自知。」慧師子法王蒙大師授記已，偕一切智根敦珠巴法王赴後藏。時持律慧密論師，亦依彼師徒二人聽聞顯密諸法。其餘徒眾從慧師子法王學密法，依一切智根敦珠巴法王學顯教，持律慧密論師為副講師，聽眾勝於一時。

後時善財海法王讚當時師徒會眾云：「我年幼時，在日庫（地名）見慧師子法王、一切智根敦珠巴法王、持律慧密法王，並諸徒眾同住於日庫，宛然如來俱諸會眾重現於世。」如是講聞增勝時，慧師子法王忽憶念：「我前於大師面前，誓宏揚密部，今正是時。」遂漸宏桑都根本經。

當慧師子法王漸次遊行至倫薄頂（山名及寺名）時，寺內住持號聖光德海上師與諸眷屬咨請法義，聖光德海上師著有炬

明釋³³⁵，也極力宏揚桑都根本經。慧師子法王知聖光德海上師是大師所授記閻曼德迦瑜伽者，遂於倫薄頂寺建樹大師修行壇儀及講桑都根本經軌則，復將大師所授閻羅法王面具棒杖繩索傳授於彼，至今尚存。

次赴獅子頂（山名及寺名）時彼處官夫人為施主，慧獅子法王亦於彼寺興密宗講說及壇儀。彼官夫人即大師所記荊藥叉女者。

大師又曾記「其後者汝亦能自知」。慧師子法王住獅子頂時，自亦知都拏瓦³³⁶論師宏法時至，一日於慧師子法王

335 炬明釋：即月稱論師之桑都根本經釋。

336 都拏瓦：諱吉祥賢；即慧師子法王高足之一。

前進茶，右序首為一切智根敦珠巴法王，次為都迦瓦論師，左序首為都拏瓦論師。時慧師子法王問都拏瓦論師云：「汝屬相為何？」都拏瓦論師白曰：「馬。」慧師子法王云：「善。世俗云：『牛死地馬跳。』汝今可往牙喜³³⁷地界宏揚密法。」慧師子法王將大師所授之桑都金像衣帽給予都拏瓦論師。都拏瓦論師白曰：「此是上師一切智根敦珠巴法王所應得者，請授我大師桑都根本經釋。」都拏瓦論師依教遂在牙喜都史宮（寺名）建設密法院，是為上後藏³³⁸創立大師密法院之始。

337 牙喜：譯牛死。

338 上後藏：謂後藏分上中下三處。

次從都拏瓦論師傳妙音眾增論師乃至寶增上論師，凡二十一世中無間缺。

其寶增上論師雖有數位高足，然非傳授密法之器。至後半世時，有梅語自在慧論師及雅爐住持妙音持教論師往請法義，寶增上論師之桑都根本經灌頂講傳最扼要者仍未傳授。直至寶增上論師世壽八十歲時，有妙音笑金剛論師，八十一歲時，有章嘉第一代語自在賢慧具法論師並塘薩巴成就海論師，自前藏而來請求要義，是時寶增上論師方見獅乳寶器授受相當，遂將桑都根本經密法教授，一切扼要法水傾量瓶注。法傳願竟，寶增上論師未久歸寂，前持壽而不去者，蓋持法以待主。

其慧師子法王命都拏瓦論師宏密法後，慧師子法王即返

前藏創舉梅巴³³⁹，宏揚桑都根本經。法王之位後傳於施祥法王，施祥法王著有桑都根本經釋努力宏揚不輟。施祥法王之後，寶賢法王續位。

時有號慶喜義成論師者，初曾親遇慧師子法王，次從施祥法王聽授經釋教授。舉梅巴之講授者，理應慶喜義成論師當任。茲因維那不空論師，奉吉祥幢論師為之。時慶喜義成論師隨持摩訶哥囉像一幅頂骨一具，赴上前藏³⁴⁰弘法。初有師徒六人，後共三十二人，恰與桑都根本經中本尊數量相符，遂建立桑都根本經講傳³⁴¹。日進一日學徒漸繁，慶喜義

339 舉梅巴：即下密院；舉譯續部，梅譯下。對密部上密院而號下密院。

340 上前藏：即前藏亦分上中下三。

341 吉祥幢後，雖奉請為阿闍黎而未赴。

成論師於十三年中盡力宏揚大師教法，是為舉奪巴³⁴²之始。舉奪巴、舉梅巴兩處傳承人才俱富。

更有大師高足號賢吉祥論師者，亦多造密部之釋。上座義成吉祥論師者，於羅札（地名）講授桑都根本經月稱論師釋。法王月幢者於昵丁（地名）、精其（地名）等處，宏揚大師密教教授。自是以後隨學建寺者頗眾，大師桑都根本經講軌遂遍傳康藏衛等處。

總之，大師知見廣博獲教功德、如理修行獲證功德、顯經密續宏傳功德，依此可略窺其一斑。³⁴³

³⁴² 舉奪巴：即上密院；舉譯續部，奪譯上。對密部下密院而號上密院。

³⁴³ 大師法派見解修習行持，實總括一切宗派善處，捨棄一切流弊，雖為諸派真髓，亦實超越一切，諸派法義餘尚有廣譯之志在。

十方諸佛及佛子 妙智深悲勝神力
總集一體宗喀巴 願彼足塵飾我髻
從彼解脫功德海 採出如意摩尼珠
遍逐三界無明暗 如來法身亦堪睹
大師德光遍十方 猶如太陽放焰熾
逆裊蝙蝠非所堪 暗生怨謗實法爾
若有正直具觀慧 希求功德如蜜蜂
美譽芬馥動鼻根 意識不辭更有誰
未曾追求妙音韻 念慧微劣少精進
文誤義乖為我失 願施加持不成覆
願乘如此微善根 普利見聞諸含識
生生不離大師足 慈悲攝授生歡喜

大師面輪現微笑
任運流出妙風雨
潤澤信種發德芽
資糧葉茂證華敷
華香普召諸有情
咸集三身圓生樹
所求圓滿永無退
速證無上微妙智

宗喀巴大師傳 功德主名錄

委印文號：109163

六七、〇〇〇元：三寶弟子。

以上共計新台幣：六七、〇〇〇元，恭印一、〇〇〇本。

回向：天下和順，日月清明，風雨以時，災厲不起，國豐民安，兵戈無用，

崇德興仁，務修禮讓，國無盜賊，無有冤枉，強不凌弱，各得其所。

祝願法界一切有情，所有六道四生，宿世冤親，現世業債，咸憑法力，悉得解脫。

祝願現生者增福延壽，發菩提心，常隨佛學，勤修精進，利濟群生。

祝願已故者往生淨土，同出苦輪，共登覺岸。

附記：本會接受善信委託，代印經書、佛像，其必要之費用，均經本會審慎評估；若有結餘，

均續作本會之印（購）經書及運費使用，為施主廣積陰德，歡迎十方大德善加利用。

普為出資及讀誦受持
輾轉流通者回向偈曰

願以此功德
消除宿現業
增長諸福慧
圓成勝善根
所有刀兵劫
及與饑饉等
悉皆盡滅除
人各習禮讓
讀誦受持人
輾轉流通者
現眷咸安樂
先亡獲超昇
風雨常調順
人民悉康寧
法界諸含識
同證無上道

佛曆二五六四年／西元二〇二〇年六月

恭印：一〇〇〇本

流水號：17532
書號：CH280-12

宗喀巴大師傳

發行人：簡豐文

出版者：財團法人佛陀教育基金會

地址：100 台北市杭州南路一段五十五號十一樓

網址：www.budaedu.org

E-mail: budaedu@budaedu.org

電話：(〇二)三三九五一一一九八 傳真：(〇二)三三九一一三四一五

劃撥戶名：財團法人佛陀教育基金會 郵局劃撥帳號：〇七六九九七七九

銀行名稱：台灣銀行城中分行（請於電匯或轉帳後告知本會用途）

銀行帳號：〇四五〇〇四五九七五〇三（代碼：004）

本會經書免費結緣之請取方式如下：

(一)親臨本會三樓講堂。(二)利用傳真：(02) 23965959

(三)撥打電話：(02) 23951198 分機：11、12

(四)網址：<http://www.budaedu.org/books/>。(五)寫信指定：本會法寶流通股。

為提高服務效率，請您嚴謹考量，慎選所需經書；儘量少用電話，多利用文字方式

請取，並請詳寫經書名稱、冊數及收件人姓名、地址、電話、郵遞區號，以減少本會之

處理時間；若大量申請，請註明用途，且避免姓名、地址等文字上書寫之錯誤

◎本會經書，歡迎翻印（請勿增刪），贈送流通，功德無量。

◎本會交通：

※捷運：善導寺站5號出口，至杭州南路右轉，過兩個紅綠燈。

※公車站牌：審計部站→212、299、232、205、276、605、257、262

台北商業技術學院→253、297、237 仁愛路二段→253、297 開南商工→208

仁愛路、杭州南路(紹興街)口→630、270、263、245、621、651、37、261

行政院新聞局出版事業登記證局版臺業字第三八六九號



無緣大悲寶藏觀世音

無垢智慧主尊妙吉祥

摧伏魔軍無餘秘密主

雪鄉智者頂嚴宗喀巴

善慧名稱足下我祈請



財團法人佛陀教育基金會 印贈

The Corporate Body of the Buddha Educational Foundation

※經書法寶，敬請尊重珍惜，勿任意棄置※

本會經書法寶，免費贈送結緣，嚴禁販售！絕無募款，敬請明察！

This book is strictly for free distribution; it is not to be sold.

Printed in Taiwan

CH280-12